

摘藻堂四庫全書薈要

史部

欽定四庫全書薈要卷六千六百六十七 史部

明史卷七十四

大學士張廷玉等奉 敕修

志第五十

職官三

太常寺

附提督  
四夷館

光祿寺

太僕寺

鴻臚寺

尚寶司

六科

中書舍人

行人司

欽天監

太醫院

上林苑監

五城兵馬司

順天府

附宛平大興二縣

武學

僧道錄司

教坊司

宦官

女官

太常寺卿一人

正三品

少卿二人

正四品

寺丞二人

正六品

其

屬典簿廳典簿二人

正七品

博士二人

正七品

協律郎二人

正八品嘉靖中增至五人

贊禮郎九人

正九品嘉靖中增至三十三人後革二人

司樂二

十人

從九品嘉靖中增至三十九人後革五人

天壇地壇朝日壇夕月壇先

農壇帝王廟祈穀殿長陵獻陵景陵裕陵茂陵泰陵顯

陵康陵永陵昭陵各祠祭署俱奉祀一人

從七品

祀丞二

人

從八品

犧牲所吏目一人

從九品

太常掌祭祀禮樂之事

總其官屬稽其政令以聽於禮部凡天地神祇鬼神歲祭有常先冬十二月朔奏進明年祭日天子御奉天殿

受之乃頒於諸司天子親祭則贊相禮儀大臣攝事亦如之凡國有冊立冊封冠婚營繕征討大喪諸典禮歲時旱澇大災變則請告宗廟社稷薦新則移光祿寺供

其品物祭祀先期請省牲進祝版銅人上殿奏請齋戒

親署御名省牲偕光祿卿惟大祀車駕親省大臣日一

省之凡祭滌器爨理香燭玉帛整拂神幄必恭潔掌燎

看燎讀祝奏禮對引司香進俎舉麾陳設收支導引設

位典儀通贊奉帛執爵司樽司壘洗卿貳屬各領其事

罔有不共凡玉四等曰蒼璧

以祀天

曰黃琮

以祀地

曰赤璋

白琥

以朝日夕月

曰兩圭有邸

以祭大社大稷

帛五等曰郊祀制帛

祀天

曰奉先制帛

薦祖考

曰禮神制帛

祭社稷羣神

曰展

親制帛

祭享親王

曰報功制帛

祭享功臣

牲四等曰犢曰牛曰太

牢曰少牢色尚駢或黜大祀入滌三月中祀一月小祀

一旬樂四等曰九奏

用祀天地

曰八奏

神祇太歲

曰七奏

大明大社大稷

帝王曰六奏

夜明帝社帝稷宗廟先師

舞二曰文舞曰武舞樂器不徙

陵園之祭無樂歲終合祭五祀之神則少卿攝事初吳

元年置太常司設卿

正三品

少卿

正四品

丞

正五品

典簿協律

郎博士

正七品

贊禮郎

從八品

洪武初置各祠祭署設署令

署丞十三年更定協律郎等官品秩

協律郎正八品贊禮郎正九品司樂

從九品

二十四年改各署令為奉祀署丞為祀丞三十年

改司為寺官制仍舊

二十五年已定  
司丞正六品

建文中增設贊禮

郎二人太祝一人以及各祭祀署俱有更革

天壇祠祭  
署為南郊

祠祭署泗洲祠祭署為泗濱祠祭署宿州祠祭署為新豐祠祭署孝陵置鍾山祠祭署各司園所增神樂觀知

觀一人成祖初惟易天壇為天地壇餘悉復洪武間制

建

時南郊祠祭署為郊壇祠祭署已又改為天地壇祠祭署

洪熙元年置犧牲所吏目

典掌文移

先是洪武三年置神牲所設康牲令大使副使等官四年革

世宗隆祀典

分天地壇為天壇地壇山川壇藉田祠祭署為神祇壇

大祀殿為祈穀殿增置朝日夕月二壇各設祠祭署又

增設協律郎贊禮郎司樂等員

隆慶三年革協律郎等官四十八員萬曆六年

復設如嘉靖間制

萬曆四年改神祇壇為先農壇提督四夷館

少卿一人

正四品

掌譯書之事自永樂五年外國朝貢特

設蒙古女直西番西天回回百夷高昌緬甸八館置譯

字生通事

通事初隸通政使司

通譯語言文字正德中增設八百

館

八百國蘭者哥進貢

萬曆中又增設暹羅館初設四夷館隸翰

林院選國子監生習譯宣德元年兼選官民子弟委官



教肄學士稽考程課弘治七年始增設太常寺卿少卿

各一員為提督遂改隸太常嘉靖中裁卿止少卿一人

按太常寺卿在南京者多由科目北寺自永樂間用樂舞生累資陞至寺卿甚或加禮部侍郎尚書掌寺後多沿襲至隆慶初乃重推科甲出身者補任譯字生明初甚重與考者與鄉會試額科甲一體出身後止為雜流其在館者陞轉皆在鴻臚寺

光祿寺卿一人從三品少卿二人正五品寺丞二人從六品其

屬典簿廳典簿二人從七品錄事一人從八品大官珍羞良

醢掌醢四署各署正一人從六品署丞四人從七品監事四

人

正八品

司牲司大使一人

從九品

副使一人

後革

司牧局大

使一人

從九品嘉靖七年革

銀庫大使一人卿掌祭享宴勞酒醴

膳羞之事率少卿寺丞官屬辨其名數會其出入量其

豐約以聽於禮部凡祭祀同太常省牲天子親祭進飲

福受昨薦新循月令獻其品物喪葬供奠饌所用牲果

菜物取之上林苑不給市諸民視時估十加一其市直

季支天財庫四方貢獻果鮮厨料省納惟謹器皿移工

部及募工兼作之歲省其成敗凡筵宴酒食及外使降

人俱差其等而供給焉傳奉宣索籍記而覆奏之監以

科道官一員察其出入糾禁其奸弊歲四月至九月凡

御用物及祭祀之品皆用冰大官供祭品官膳節令筵

席著使宴犒之事珍羞供官膳有核之事良醞供酒醴

之事掌醢供餽油醢醬梅鹽之事司牲養牲視其肥瘠

而蠲滌之司牧亦如之初吳元年置宣徽院設院使

正三

品同知正四品院判正五品典簿正七品以尚食尚醴二局隸

之局設大使從六品副使從七品洪武元年改為光祿寺設光祿卿

正四

品少卿正五品寺丞正六品主簿正八品所屬尚食等局又移

太常司供需庫隸之局庫官品仍舊二年設直長四人遇百官

賜食御前者則令供事四年置法酒庫設內酒坊大使從八品副使從

九品八年改寺為司陞卿秩卿從三品少卿從四品以寺丞為司丞

從六品主簿為典簿從七品增設錄事從八品又置所屬大官

珍羞良醞掌醢四署每署令一人從六品丞一人從七品監

事一人從八品孳牧所大使一人從九品副使一人未入流十

年定光祿司散官品秩時所用光祿司官等或內官或流官或庖人出身不同而同授散官

至是內官除授者照內官散官給授流官除授者照文官散官給授庖人除授者卿從三品授尚膳大夫少

卿正五品授奉膳大夫司丞從六品授司膳郎各署丞從七品授掌膳郎監事從八品授執膳郎尋罷

各局庫置司牲司又改孳牧所為司牧司後為司牧局三十

年復改為光祿寺官制仍舊少卿已定建文中陞少卿

寺丞品秩少卿陞四品寺丞陞五品增設司圉所改司牲司為孳牲

所陞其品級成祖復舊制正統六年裁四署冗員先是光祿卿奈亨以

供應事繁奏增各署官至是復奏裁之裁署正四人署丞五人監事七人嘉靖七年革司牧

局萬厯二年添設銀庫大使一人

太僕寺卿一人

從三品

少卿二人

正四品正德十一年增設一人

寺丞四

人

正六品

其屬主簿廳主簿一人

從七品

常盈庫大使一人

所轄各牧監監正一人

正九品

監副一人

從九品

錄事一人

後監正監副錄事俱革

各羣羣長一人

後革

卿掌牧馬之政令以聽

于兵部少卿一人佐寺事一人掌營馬一人督畿馬寺

丞分理畿衛京內及山東河南六郡孳牧寄牧馬匹

齊南

兗州東昌開封彰德衛輝

凡軍民孳牧視其丁產授之種馬牡十之

二牝十之八為一羣

南方以四牝一牡為羣

歲徵其駒曰備用馬

齊其力以給將士將士足則寄牧于畿內府州縣肥瘠  
登耗籍其毛齒而時閱之三歲偕御史一人印烙選其  
健良而汰其羸劣其草場已墾成田者歲歛其租金災  
稔則出之以佐市馬其賠償折納則征馬金輸兵部主  
簿典勾省文移大使典貯庫馬金初洪武四年置羣牧  
監于達勒達實哩營所隨水草利便立官署專司牧養六  
年更置羣牧監于滁州旋改為太僕寺秩從三品設卿  
少卿寺丞又設首領官知事主簿各一人七年增設牧

監羣官二十七處隸太僕寺尋定羣牧監品秩

令正五品丞正

六品鎮撫從六品羣頭  
十人吏目一人省注

十年增置滁陽等各牧監及所

屬各羣改牧監令丞為監正監副

監正從八品監副正  
九品御良從九品後

又定監正  
為正九品

二十二年定滁陽等十二牧監每監設監正

一人監副二人錄事一人朱安等一百二十七羣每羣

設羣長一人

初設副二  
人至是革

二十三年增置江東當塗二處

牧監及所屬各羣又罷烏衣等五十四羣改置永安等

七羣定為牧監十四

滁陽大興甘泉儀徵定遠天長長  
淮江都句容溧陽江東溧水當塗



舒城羣九十有七

大勝關柏子嶺興保寧草堂五羣隸  
陽監永安如皋沿海保全朝陽永昌安

定七羣隸大興監大錢銅城永豐龍勝龍山永寧新安

慶安襄安九羣隸香泉監華陽壽寧廣陵善應四羣隸

儀真監龍江龍安萬勝龍泉四羣隸定遠監天長懷德

招信得勝武安五羣隸天長監長安白石荆山南山團

山草平六羣隸長淮監萬寧廣生萬驥順德大興興寧

崇德七羣隸江都監句容易風仍信福昨通德承仙上

容政仁練塘壽安十羣隸句容監舉福從山明義永定

福賢崇來永城永泰奉安九羣隸溧陽監間寧泉水惟

政清化神泉新亭長泰光澤八羣隸江東監儀鳳仙壇

立信歸政豐慶安興遊山永寧八羣隸溧水監石城永

保化洽姑熟繁昌多福丹陽德政八羣隸當塗監棗

林海亭伏龍龍河會龍九龍萬龍七羣隸舒城監

二

十八年悉罷羣牧監以其馬隸有司牧養三十年置行

太僕寺于北平秩如太僕寺建文中陞寺丞品秩

舊六品陞

五品又改其首領官職名增設錄事及典厩典牧二署驢

駟等十八羣滁陽等八牧監龍山等九十二羣成祖復

舊制永樂元年改北平行太僕寺為北京行太僕寺十

八年定都北京遂以行太僕寺為太僕寺洪熙元年復

稱北京行太僕寺正統六年定為太僕寺其舊在滁州

者改為南京太僕寺

寺丞初置四人正統中又增八人共十二人以一人領京衛一人領

順德廣平二府一人領開封衛輝彰德三府九人分領順天保定真定河間永平大名濟南兗州東昌九府等

牧寄牧各馬匹弘治六年革四人正德九年復增一人  
專領寄牧之事嘉靖八年又革三人共六人分領三年  
更代兩以寄牧者今府州縣兼理隆慶三年又革三人  
止設三人以一人提督庫藏兼協理京邊二人分理東

西二路  
各馬政

鴻臚寺卿一人

正四品

左右少卿各一人

從五品

左右寺丞

各一人

從六品

其屬主簿廳主簿一人

從八品

司儀司賓二

署各署丞一人

正九品

鳴贊四人

從九品後增設五人

序班五十人

從九品嘉靖三十六年革八人萬曆十一年復設六人

鴻臚掌朝會賓客吉凶儀

禮之事凡國家大典禮郊廟祭祀朝會宴饗經筵冊封

進歷進春傳旨奏捷各供其事外吏朝覲諸蕃入貢與夫百官使臣之復命謝恩若見若辭者並鴻臚引奏歲正旦上元重午重九長至賜緞賜宴四月賜字扇壽縷十一月賜戴暖耳陪祀畢頒胙賜胥贊百官行禮司儀典陳設引奏外吏來朝必先演儀于寺司賓典外國朝貢之使辨其等而教其拜跪儀節鳴贊典贊儀禮凡內贊通贊對贊接贊傳贊咸職之序班典侍班齊班糾儀及傳贊初吳元年置侍儀司秩從五品洪武四年定侍

儀使

從七品

引進使

正八品

奉班都知

正九品

通贊通事舍人

從九品

俱為七品以下官九年改為殿廷儀禮司設使一

正七品

副三人

正八品

承奉一人

從八品

鳴贊二人

正九品

序

班十六人

從九品

九關通事使一人

正八品

副六人

從八品

十

三年改使為司正分左右司副各一人增序班至四十

四人革承奉增設司儀四人二十二年增設左右司丞

四人

正九品

三十年始改為鴻臚寺陞秩正四品設官六

十二員

卿以下員數品級如前所列

又設外夷通事隸焉建文中陞

少卿以下品秩

少卿陞正五品寺丞陞正六品又改其首領官職名與鳴贊序班皆陞品級

罷司儀司賓二署而以行人隸鴻臚寺成祖初悉復舊

制

尚寶司卿一人

正五品

少卿一人

從五品

司丞三人

正六品  
吳元年

但設一人  
後增二人

掌寶璽符牌印章而辦其所用寶二十有四

舊寶十有七嘉靖十八年增製者七曰皇帝奉天之寶

為唐宋傳璽祀天地用之若詔與赦則用皇帝之寶冊

封賜勞則用皇帝行寶詔親王大臣及調兵則用皇帝

信寶上尊號則用皇帝尊親之寶諭親王則用皇帝親親之寶其天子之寶以祀山川鬼神天子行寶以封外國及賜勞天子信寶以招外服及徵發詔用制誥之寶敕用敕命之寶獎勵臣工用廣運之寶敕諭朝覲官用敬天勤民之寶若御用之寶表章經史之寶欽文之寶則圖書文史等用之世宗增製為奉天承運大明天子寶為大明受命之寶為巡狩天下之寶為垂訓之寶為命德之寶為討罪安民之寶為敕正萬民之寶太子之

寶一曰皇太子之寶凡寶之用必奏請而待發每大朝會本司官二員以寶導駕俟陞座各置寶于案立待殿中禮畢捧寶分行至中極殿置案而出駕出幸則奉以從焉歲終移欽天監擇日和香物入水洗寶于皇極門籍奏一歲用寶之數凡請寶用寶捧寶隨寶洗寶繳寶皆與內官尚寶監俱凡金牌之號五以給勲戚侍衛之扈從及班直者巡朝者夜宿衛者曰仁其形龍公侯伯駙馬都尉佩之曰義其形虎勲衛指揮佩之曰禮其形



麟千戶佩之曰智其形獅百戶佩之曰信其形祥雲將軍佩之半字銅符之號四以給巡城侍衛官曰承曰東曰西曰北巡者左半守者右半合契而點察焉令牌之號六曰申以給金吾諸衛之警夜者曰木曰金曰土曰火曰水以給五城之警夜者銅牌之號一以稽守卒曰勇牙牌之號五以察朝參公侯伯曰勲駙馬都尉曰親文官曰文武官曰武教坊司曰樂嘉靖中總編曰官字某號朝參佩以出入不則門者止之私相借者論如律

有故納之內府察牌之號三陪祀官曰陪供事官曰供

執事人曰執雙魚銅牌之號二曰嚴以肅直衛錦衣校

尉之止直者曰善以飭光祿胥役之供事者符驗之號

五曰馬曰水曰達曰通曰信

符驗之制上織船馬之狀起馬用馬字雙馬用達字

單馬用通字起船者用水字並船用信字

親王之蕃及文武出鎮撫行人通

使命者則給之御史出巡察則給印事竣咸驗而納之

稽出入之令而辨其數其職至邇其事至重也太祖初

設符璽郎秩正七品吳元年改尚寶司卿秩正五品以

侍從儒臣勲衛領之

如耿璫以散騎舍人黃觀以侍中楊榮以庶子為卿

非有才

能不得調勲衛大臣子弟奉旨仍得補丞其後多以恩

廕寄錄無常員

吏戶禮兵刑工六科各都給事中一人

正七品

左右給事

中各一人

從七品

給事中吏科四人戶科八人禮科六人

兵科十人刑科八人工科四人

並從七品後增減員數不常萬厯九年裁兵科

五人戶刑二科各四人禮科二人十一年復設戶兵刑三科各二人禮科一人

六科掌侍從規

諫補闕拾遺稽察六部百司之事凡制敕宣行大事覆

奏小事署而頒之有失封還執奏凡內外所上章疏下

分類抄出叅署付部駁正其違誤吏科凡吏部引選則

掌科

即都給事中以掌本科印故名六科同

同至御前請旨外官領文憑

皆先赴科畫字內外官考察自陳後則與各科具奏拾

遺糾其不職者戶科監光祿寺歲入金穀甲字等十庫

錢鈔雜物與各科並泣之皆三月而代內外有陳乞田

土隱占侵奪者糾之禮科監訂禮部儀制凡大臣會經

糾劾削奪有玷士論者紀錄之以核贈謚之典兵科凡

武臣貼黃誥敕本科一人監視其引選畫憑之制如吏

科刑科每歲二月下旬上前一年南北罪囚之數歲終

類上一歲蔽獄之數閱十日一上實在罪囚之數皆憑

法司移報而奏御焉工科閱試軍器局同御史巡視節

慎庫與各科稽查寶源局而主德闕違朝政失得百官

賢佞各科或單疏專達或公疏聯署奏聞

雖分隸六科其事屬重大

者各科皆得通奏但事屬某科則列某科為首

凡日朝六科輪一人立殿左右

珥筆記旨凡題奏日附科籍五日一送內閣備編纂其

諸司奉旨處分事目五日一註銷覈稽緩內官傳旨必覆奏復得旨而後行鄉試充考試官會試充同考官殿試充受卷官冊封宗室諸蕃或告諭外國充正副使朝參門籍六科流掌之登聞鼓樓日一人皆錦衣衛官監

泣

洪武元年以監察御史一人監登聞鼓後令六科與錦衣衛輪直

受牒則具題本封

上遇決囚有投牒訟寃者則判停刑請旨凡大事廷議大臣廷推大獄廷鞫六掌科皆預焉明初統設給事中  
正五品後數更其秩

與起居注同

洪武六年設給事中十二

人秩正七品始分為六科每科二人鑄給事中印一推

年長者一人掌之九年定給事中十人十年隸承敕監

十二年改隸通政司十三年置諫院左右司諫各一人

正七品左右正言各二人從七品十五年又置諫議大夫以兵

部尚書唐鐸為之尋皆罷二十二年改給事中為源士增至八

十一人初魏敏卓敬等八十一人為給事中而上以其

事之本源改為源士未幾復為給事中二十四年更定科員每科

都給事中一人正八品左右給事中二人從八品給事

中共四十人正九品

各科分設員數如前所列

建文中改都給事中

正七品給事中從七品不置左右給事中增設拾遺補

闕成祖初革拾遺補闕仍置左右給事中亦從七品尋

改六科置於午門外直房湫事

六科衙門向在磚門內尚寶司西永樂中災移

午門外東西每夜一科直宿

宣德八年增戶科給事中專理黃冊

中書科中書舍人二十人

從七品

直文華殿東房中書舍

人直武英殿西房中書舍人內閣誥敕房中書舍人制

敕房中書舍人

並從七品無定員

中書科舍人掌書寫誥敕制



詔銀冊鐵券等事凡草請諸翰林寶請諸內府左券及

勘籍歸諸古今通集庫誥敕

公侯伯及一品至五品誥命六品至九品敕命勘

合籍初用二十八宿後用急就章為號誥敕之號曰仁

義禮智公侯伯蕃王一品二品用之曰十二支曰文行

忠信文官三品以下用之曰千字文武官續誥用之皆

以千號為滿滿則復始王府及駙馬都尉不編號土官

以文武類編凡大朝會則侍班東宮令節朝賀則導駕

侍班於文華殿冊封宗室則充副使

其鄉試會試殿試間有差遣充授並

如科  
員

大祀南郊則隨駕而供事員無正貳印用年深者

掌之文華殿舍人職掌奉旨書寫書籍武英殿舍人職  
掌奉旨篆寫冊寶圖書冊頁內閣誥敕房舍人掌書辦  
文官誥敕番譯敕書并外國文書揭帖兵部紀功勘合  
底簿制敕房舍人掌書辦制敕詔書誥命冊寶表文玉  
牒講章碑額題奏揭帖一應機密文書各王府敕符底  
簿洪武七年初設直省舍人十人秩從八品隸中書省  
九年為中書舍人改正七品尋又改從七品十年與給

事中皆隸承敕監建文中革中書舍人改為侍書陞正七品入文翰館隸翰林院成祖復舊制尋設中書科署于午門外定設中書舍人二十人

其恩廕帶俸者不在額內

宣德間

內閣置誥敕制敕兩房皆設中書舍人嘉靖二十年選各部主事大理寺評事帶原銜直誥敕制敕兩房四十四年兩房員缺令吏部考選舉人為中書舍人隆慶元年令兩房辦事官不得陞列九卿按洪武間置承敕監

洪武九年置設令一人正六品丞二人從六品尋改令正七品丞正八品十年改令丞為承敕郎設二人從七

品給事中書令舍人咸隸焉後罷

司文監

洪武九年置設令一人正六品丞二人從六品尋改令正

七品丞正八品十年罷

考功監

洪武八年置設令丞九年定設令一人正六品丞二人從六品尋改

令正七品丞正八品十八年罷

叅掌給授誥敕之事永樂初命內閣學

士典機務詔冊制誥皆屬之而膳副繕正皆中書舍人

入辦事竣輒出宣德初始選能書者處于閣之西小房

謂之西制敕房而諸學士掌誥敕者居閣東具稿付中

書繕進謂之東誥敕房

此係辦事若知制誥銜惟大學士與諸學士可帶

正統

後學士不能視誥敕內閣悉委于中書序班譯字等官

于是內閣又有東誥敕房

因劉鉉不與輔臣會食始嘉靖末復以翰林史官掌外制

而武官誥敕仍自其屬為之若誥敕單之類必由閣臣翰林諸臣不得預

其直文華武英

兩殿供御筆札者初為內官職繼以中書分直後亦專

舉能書者大約舍人有兩途由進士部選者得遷科道

部屬其直兩殿兩房舍人不必由部選自甲科監生生

儒布衣能書者俱可為之不由科甲者初授序班及試

中書舍人不得遷科道部屬後雖加銜九列仍帶銜辦

事

稽書出身者或加太常卿銜沈度沈粲潘辰等有加至翰林學士禮部尚書者

洪武初又有

承天門待詔一人閣門使四人觀察使十人後俱革

行人司司正一人

正七品

左右司副各一人

從七品

行人三

十七人

正八品

職專捧節奉使之事凡頒行詔赦冊封宗

室撫諭諸蕃徵聘賢才與夫賞賜慰問賑濟軍旅祭祀

咸敘差馬每歲朝審則行人特節傳旨法司遣戍囚徒

送五府填精微冊批繳內府初洪武十三年置行人司

設行人秩正九品左右行人從九品尋改行人為司正

左右行人為左右司副更設行人三百四十五人二十

七年陞品秩以所任行人多孝廉人材奉使率不稱旨  
定設行人司官四十員咸以進士為之非奉旨不得擅  
遣行人之職始重建文中罷行人司而以行人隸鴻臚  
寺成祖復舊制

欽天監監正一人

正五品

監副二人

正六品

其屬主簿廳主

簿一人

正八品

春夏秋冬官正各一人

正六品

五官靈臺

郎八人

從七品後  
革四人

五官保章正二人

正八品後  
革一人

五官挈

壺正二人

從八品後  
革一人

五官監候三人

正九品後  
革一人

五官司

歷二人

正九品

五官司晨八人

從九品後  
革二人

漏刻博士六人

從九品後  
革五人

監正副掌察天文定歷數占候推步之事凡

日月星辰風雲氣色率其屬而測候焉有變異密疏以

聞凡習業分四科曰天文曰漏刻曰回回日歷自五官

正下至天文生陰陽人各分科肄業每歲冬至日呈奏

明歲大統歷

成化十五年改頒明  
歲歷于十月朔日

移送禮部頒行其御

覽月令歷七政躔度歷六壬遁甲歷四季天象錄並先

期進呈凡歷註御歷註三十事

如祭祀頒詔  
行幸等類

民歷三十



二事壬遁歷七十二事凡祭日前一年會選以進移知太常凡營建征討冠婚山陵之事則選地而擇日立春則預候氣於東郊大朝賀於文樓設定時鼓漏刻報時司晨雞唱各供其事日月交食先期算其分秒時刻起復方位以聞下禮部移內外諸司救之仍按占書條奏若食不及一分與回回歷雖食一分以上則奏而不救監官毋得改他官子孫毋

得徙他業乏人則移禮部訪取而試用焉五官正推歷法定四時司歷監候佐之靈臺郎辨日月星辰之躔次

分野以上候天文之變觀象臺四面面四天文生輪司  
測候保章正專志天文之變定其吉凶之占挈壺正知  
刻漏孔壺為漏浮箭為刻以考中星昏旦之次漏刻博  
士定時以漏換時以牌報更以鼓警晨昏以鍾鼓司晨  
佐之明初即置太史監設太史令通判太史監事僉判  
太史監事校事郎五官正靈臺郎保章正副挈壺正掌  
歷管勾等官以劉基為太史令吳元年改監為院秩正

三品

院使正三品同知正四品院判正五品五官正正  
六品典簿雨陽司時叙郎紀候郎正七品靈臺郎

保章正正八品副從八品掌厯管勾從九品

洪武元年徵元太史張佑張沂

等十四人改太史院為司天監設監令一人正三品少監

正二人正六品監丞一人正七品主簿一人正八品主事一人正八品

五官正五人正五品五官副五人正六品靈臺郎二人正七品

品保章正二人從七品監候三人正八品司辰八人正九品漏

刻博士六人正五品又置回回司天監設監令一人正四品

少監二人正五品監丞二人正六品徵元回回司天監鄭阿

里等議厯三年改司天監為欽天監四年詔監官職專

司天非特旨不得陞調又定監官散官

監令正議大夫少監分朔大夫

五官司司元大夫監丞靈臺郎五官保章正平秩郎五官靈臺郎司正郎五官挈壺正挈壺郎

十四年

改欽天監為正五品設令一人丞一人

屬官五官正以下員數如前所

列俱從品級授以文職散官二十二年改令為監正丞

為監副三十一年罷回回欽天監以其歷法隸本監明

初又置稽疑司以掌卜筮未幾罷

洪武十七年置稽疑司設司令一人正六

品左右丞各一人從六品屬官司筮正九品無定員尋罷

太醫院院使一人

正五品

院判二人

正六品

其屬御醫四人

正八品後增至十八人  
隆慶五年定設十八人

吏目一人

從九品隆慶五年定設十人

生藥

庫惠民藥局各大使一人副使一人太醫院掌醫療之

法凡醫術十三科醫官醫生醫士專科肄業曰大方脈

曰小方脈曰婦人曰瘡瘍曰鍼灸曰眼曰口齒曰接骨

曰傷寒曰咽喉曰金鏃曰按摩曰祝由凡醫家子弟擇

師而教之三年五年一試再試三試乃黜陟之凡藥辨

其土宜擇其良楮慎其條製而用之四方解納藥品院

官收貯生藥庫時其燥濕禮部委官一員稽察之診視

御脈使判御醫叅看校同會內臣就內局選藥連名封  
記藥劑具本開寫藥性證治之法以奏烹調御藥院官  
與內臣監視每二劑合為一候熟分二器一御醫內臣  
先嘗一進御置厯簿用內印鈐記必細載年月緣由以  
憑考察王府請醫本院奉旨遣官或醫士往文武大臣  
及外國君長有疾亦奉旨往視其治療可否皆具本覆  
奏外府州縣置惠民藥局邊關衛所及人聚處各設醫  
生醫士或醫官俱由本院試遣歲終會察其功過而殿

最之以憑黜陟太祖初置醫學提舉司設提舉

從五品同

提舉

從六品

副提舉

從七品

醫學教授

正九品

學正官醫提領

從九品

尋設為太醫監設少監

正四品

監丞

正六品

吳元年改

監為院設院使秩正三品同知正四品院判正五品典

簿正七品洪武三年置惠民藥局府設提領州縣設官

醫凡軍民之貧病者給之醫藥六年置御藥局于內府

始設御醫

御醫局秩正八品設尚藥奉御二人直長二人藥童十人俱以內官內使充之設御醫四

人以太醫院醫士充之凡受收四方貢獻名藥及儲蓄藥品奉御一人掌之凡供御藥餌醫官就內局修製太

醫院官  
診視

十四年改太醫院為正五品設令一人丞一人

吏目一人屬官御醫四人俱如文職授散官二十二年  
復改令為院使丞為院判嘉靖十五年改御藥房為聖  
濟殿又設御藥庫詔御醫輪直供事

上林院監左右監正各一人

正五品

左右監副各一人

正六品

品監正監副後不  
常設以監丞署職

左右監丞各一人

正七品

其屬典簿廳

典簿一人

正九品

良牧蕃育林衡嘉蔬四署各典署一人

正七品

署丞一人

正八品

錄事一人

正九品

監正掌苑園池



牧畜樹種之事凡禽獸草木蔬果率其屬督其養戶栽  
戶以時經理其養地栽地而畜植之以供祭祀賓客宮  
府之膳羞凡苑地東至白河西至西山南至武清北至  
居庸關西南至渾河並禁圍獵良牧牧牛養豕蕃育育

鶩鴨雞皆籍其牝牡之數而課孳卵焉林衡典果實花  
木嘉蔬典蒔藝瓜果皆計其町畦樹植之數而以時苞

進焉洪武二十五年議開上林苑度地城南

自牛首山  
接方山西

並河比圖上太祖謂有妨民業遂止永樂五年始置上

林苑監設良牧蕃育嘉蔬林衡川衡冰鑑及典察左右

前後十屬署洪熙中併為蕃育嘉蔬二署

以良牧川衡  
併蕃育冰鑑

林衡併嘉蔬典  
察四署分併入宣德十年始定四署正德間增置監督

內臣共九十九員嘉靖元年裁汰八十員革蕃育嘉蔬

二署典署林衡嘉蔬二署錄事

中東西南北五城兵馬指揮司各指揮一人

正六品

副指

揮四人

正七品

吏目一人指揮巡捕盜賊疏理街道溝渠

及囚犯火禁之事凡京城內外各畫境而分領之境內

有遊民奸民則逮治車駕親郊則令率夫里供事

凡親郡王

妃父無官者親王授兵馬指揮郡王授副指揮不管事

明初置兵馬指揮司設都

指揮副都指揮知事後改設指揮使副指揮使各城門

設兵馬洪武元年命在京兵馬指揮司并管市司每三

日一次校勘街市斛斗秤尺稽考牙僧姓名時其物價

五年又設兵馬指揮司分司于中都十年定京城及中

都兵馬指揮司秩俱正六品

先是秩正四品

改為指揮副指揮

職專京城巡捕等事革知事二十三年定設五城兵馬

指揮司

惟中城止稱中兵馬指揮司

俱增設吏目建文中改為兵馬

司改指揮副指揮為兵馬副兵馬永樂元年復舊二年設北京兵馬指揮司嘉靖四十一年詔巡視五城御史每年將終各城兵馬指揮會本舉劾隆慶間御史趙可懷言五城兵馬司官宜取科貢正途職檢驗死傷理刑名盜賊如兩京知縣不職者巡城御史糾劾之

順天府府尹一人

正三品

府丞一人

正四品

治中一人

正五品

通判六人

正六品嘉靖後革三人

推官一人

從六品

儒學教授一人

從九品

訓導一人其屬經歷司經歷一人

從七品

知事一人

從八品

照磨所照磨一人

從九品

檢校一人所轄宛平大興

二縣各知縣一人

正六品

縣丞二人

正七品

主簿無定員

正八品

品典史一人司獄司司獄一人

從九品

都稅司大使一人

從九品

副使一人宣課司

凡四正陽門外正陽門張家灣蘆溝橋

稅課司

凡二品

安定門外

各大使一人

從九品

稅課分司

凡四崇文門德勝門

各副

使一人遞軍所批驗所各大使一人府尹掌京府之政

令宣化和人勸農問俗均貢賦節征徭謹祭祀閱實戶

口糾治豪強隱恤窮困疏理獄訟務知百姓之疾苦歲

立春迎春進春祭先農之神月朔望早朝奏老人坊廂  
聽宣諭孟春孟冬率其僚屬行鄉飲酒禮凡勲戚家人

文引每三月一奏市易平其物價遇內官監徵派物料

雖有印信揭帖必補牘面奏若天子耕藉行三推禮則

奉青箱播種于後禮畢率庶人終畝府丞貳京府兼領

學校治中叅理府事以佐尹丞通判分理糧儲馬政軍

匠薪炭河渠堤涂之事推官理刑名察屬吏二縣職掌

如外縣以近涖輦下故品秩特優順天府即舊北平府  
洪武二年置北平行省九年改為北平布政司皆以北  
平為會府永樂初改為順天府十年陞為府尹秩正三

品設官如應天府

順天府通判舊六人內一人管糧一人管馬一人清軍一人管匠一人管

河一人管柴炭嘉靖八年革管河管柴炭二人萬厯九年革清軍管匠二人十一年復設一人兼管軍匠

武學京衛武學教授一人

從九品

訓導一人衛武學教授

一人訓導二人或一人掌教京衛各衛幼官及應襲舍

人與武生以待科舉武舉會舉而聽于兵部其無武學

者凡諸武生則隸儒學建文四年始置京衛武學設教授一人啟忠等十齋各訓導二人永樂中罷正統六年復設後漸置各衛武學設官如儒學之制

僧錄司左右善世二人

正六品

左右闡教二人

從六品

左右

講經二人

正八品

左右覺義二人

從六品

道錄司左右正一

二人

正六品

左右演法二人

從六品

左右至靈二人

正八品

左

右元義二人

從八品

神樂觀提點一人

正六品

知觀一人

從八品

品嘉靖

龍虎山正一真人一人

正二品洪武元年張正  
常入朝去其天師之號



封為真人世襲隆慶間革真  
人止稱提點萬厯初復之

法官贊教掌書各二人閣

阜山茅山各靈官一人

正八品

太和山提點十一人僧道

錄司掌天下僧道在外府州縣有僧綱道紀等司分掌

其事俱選精通經典戒行端潔者為之神樂觀掌樂舞

以備大祀天地神祇及宗廟社稷之祭隸太常寺與道

錄司無統屬洪武元年立善世元教二院四年革五年

給僧道度牒十一年建神樂觀於郊祀壇西設提點知

觀

初提點從六品知觀從九品洪武十五年陞提點正六品知觀從八品凡遇朝會提點列於僧錄司左

世之下道錄司  
左正一之上

十五年始置僧錄司道錄司

各設官如  
前所列

僧凡三等曰禪曰講曰教道凡二等曰全真曰正一設  
官不給俸隸禮部二十四年清理釋道二教限僧三年  
一度給牒凡各府州縣寺觀但存寬大者一所併居之  
凡僧道府不得過四十人州三十人縣二十人人民年非  
四十以上女年非五十以上者不得出家二十八年令  
天下僧道赴京考試給牒不通經典者黜之其後釋氏  
有法王佛子大國師等封號道士有大真人高士高士

等封號賜銀印蟒玉加太常卿禮部尚書及宮保銜至有封伯爵者皆一時寵幸非制也

教坊司奉鑾一人

正九品

左右韶舞各一人左右司樂各

一人

並從九品

掌樂舞承應以樂戶充之隸禮部

嘉靖中又設顯陵供

祀教坊司設左右司樂各一人

宦官十二監

每監各太監一員正四品左右少監各一員從四品左右監丞各一員正五品典簿

一員正六品長隨奉御無定員從六品此洪武舊制也後漸更革詳見各條下

司禮監

提督太監一員

掌印太監一員秉筆太監隨堂太監書籍名畫等庫掌司內書堂掌司六科廊掌司典簿無定員提督掌督理

皇城內一應儀禮刑名及鈐束長隨當差聽事各役關防門禁催督光祿供應等事掌印掌理內外章奏及御

前勘合兼筆隨堂掌章奏文書照閣票批硃掌司各掌所司典簿典記奏章及諸出納號簿

### 內官監

掌印太監一員總理管理僉書典簿掌司寫字監工無定員掌木石瓦土塔材東行西行油漆婚禮火藥十作

及米鹽庫營造庫皇壇庫凡國家營造宮室陵墓並銅錫粧奩器用暨水窖諸事

### 御用監

掌印太監

一員兼外監把總二員典簿掌司寫字監工無定員凡御前所用團屏牀榻諸木器及紫檀象牙烏木螺甸諸

玩器皆造辦之又有仁智殿監工一員掌武英殿中書承旨所寫書稿畫冊等奏進御前

### 司設監

員

內官監掌司典簿儀仗帷幙之事

### 御馬監

掌印太監一員掌四衛營各設監官掌司典簿

寫字掌馬等員家

### 神宮監

掌印太監一員僉書掌司管理無定員掌太廟各廟洒掃

香燈 尚膳監 掌印太監一員提督光祿太監一員總理  
等事 一員管理僉書掌書寫字監工及各牛羊

等房 廠監工無定員掌御膳 尚寶監 掌印一員僉書掌  
及宮內食用并筵宴諸事 司無定員掌寶璽

敕符 將軍印信凡用寶外尚寶司以揭帖赴監請旨  
至女官尚寶司領取監視外司用訖存號簿繳進 印

綬監 員同尚寶掌古今通籍庫并鐵券 直殿監 員同  
敕貼黃印信勘合符驗信符識事 上掌

各殿及廊 尚衣監 掌印太監一員僉書掌司長隨監工  
廡掃除事 無定員掌御用冠冕袍服及履舄靴

職之 都知監 掌印太監一員僉書掌司長隨奉御無定  
事 員舊掌各監行移關知勘合之事後惟隨

駕前導 四司 舊制每司各司正一人正五品左右  
警蹕 司副各一人從五品後漸更易詳下 惜薪

司 掌印太監一員總理僉書掌道掌司寫字監工及外  
廠北廠南廠新南廠新西廠各設僉書監工俱無定

員掌所用 **鐘鼓司** 掌印太監一員僉書司房學藝官無薪炭之事 定員掌管出朝鐘鼓及內樂傳奇遇

錦打稻 **寶鈔司** 掌印太監一員僉書管理監工無定員掌造粗細草紙 **混堂司** 掌印

太監一員僉事監工 **八局** 舊制每局大使一人正五品無定員掌沐浴之事 左右副使各一人從五品

**兵仗局** 掌印太監一員提督軍器庫太監一員管理僉書掌司寫字監工無定員掌製造軍器大藥司

屬 **銀作局** 掌印太監一員管理僉書寫字監工無定員掌打造金銀器飾 **浣衣局** 掌印

一員僉書監工無定員凡宮人年老及罷退廢者發此局居住惟此局不在皇城內 **巾帽局** 掌印

一員管理僉書掌司監工無定員掌宮內使 **鍼工局** 同員

帽靴駙馬冠靴及藩王之國諸旗尉帽靴 **內職染局** 員同上掌染造御用及宮內應

官中衣服 用緞匹城西藍靛廠為此局外

署酒醋麵局

員同上掌宮內食用酒醋糖醬麵豆諸物與御酒房不相統轄

司苑局

員同

上掌蔬菜瓜果

十二監四司八局所謂二十四衙門也其外有

內府供用庫

掌印大監一員總理管理掌司寫字監工無定員掌宮內及山陵等處內官食米及

御用黃蠟白蠟沉香等香凡油蠟等庫俱屬之舊制各庫設官同八局

司鑰庫

員同上掌收貯制錢

以給賞賜

內承運庫

掌印太監一員近侍金書太監十員掌司寫字監工無定員掌大內庫藏凡金

銀及諸寶貨總錄之

十庫甲字

掌貯銀硃黃丹烏梅藤黃水銀諸物

乙字

掌貯奏本等紙及各

省所解

丙字

掌貯絲綿布匹

丁字

掌貯生漆桐油等物

戊字

掌貯所解弓箭盔甲等物

承運

掌貯黃白生絹

廣盈

掌貯紗羅諸帛匹

廣惠

掌造貯巾帕梳篦刷抵錢貫鈔鈔之類

贓罰

掌沒入官物已上各掌庫一員貼庫僉書無定員

御酒房

提督太監一員僉書無定員掌

造御用酒

御藥房

提督太監正副二員分兩班近侍醫官無定員職掌御用藥餌與太醫院官相表裏

御茶房

提督太監正副二員分兩班近侍無定員職司供奉茶酒瓜果及進御膳

牲口房

提督

太監一員僉書無定員收養異獸珍禽

刻漏房

掌房一員僉書無定員掌管每日時刻每一時即令

直殿監官入宮

更鼓房

有罪內官職司之

甜食房

掌房一員協同無定員掌

換牌夜報刻水

造辦虎眼窩絲等糖

彈子房

掌房一員僉書數員專備玩彈

靈臺

掌印太監

及諸甜食隸御用監

一員僉書近侍看時近侍無定員掌觀星氣雲物測候災祥

條作

掌作一員協同無定員掌造各色兜

羅絨及諸條

監甲廠

即舊鞍轡局掌造軍器

安民廠

舊名王恭廠各掌廠太監

綬隸御用監



一員貼廠僉書無定員  
掌造銃砲火藥之類

午門東華門西華門奉天門元

武門左右順門左右紅門  
皇宮門坤寧門宮左右門東

宮春和門後門左右門  
皇城京城內外諸門

各門正一員管事無

定員司晨昏啟閉關防出  
入舊設門正門副各一員

提督東廠

掌印太監一員掌班領班司房無定

員貼刑二員掌刺糾刑獄之事  
舊選各監中一人為之其貼刑官則

後專用司禮秉筆第二人或第三人  
為之其貼刑官則用錦衣衛千百戶

為之凡內官司禮監掌印權如外庭  
元輔掌東廠權如總憲秉筆隨堂視衆  
輔各設私臣掌篆掌班司

提督西廠

不常設惟汪直谷大用置之劉瑾又設西內廠尋俱罷革

提督

京營

提督太監坐營太監監鎗掌司僉書俱無定員始于景泰元年

文書房

掌房十員掌收通政

司每日封進本章并會極門京官及各藩所上封本其在外之閣票在內之搭票一應聖諭旨意批示俱由文

書房落底簿發凡升司禮者必禮儀房提督太監一員由文書房出如外庭之磨翰也司禮掌印或東

筆攝之掌司寫字及長隨無定員掌一應中書房掌房選婚選謝馬誕皇太子女選擇乳婦吉禮太監

一員散官無定員掌管文華殿中書所寫御前近侍乾書籍對聯扇柄等件承旨發寫完日奏進

清宮管事督理御用諸事曰打卯牌子掌隨朝捧劍俱位居司禮東廠提督守備之次曰御前牌子曰煖殿曰

管樞子曰贊禮曰答應長隨曰當差南京守備正副事曰擎馬尚冠尚衣尚履皆近侍也

太監各一員關防一顆護天壽山守備太監一員陵守陵大監職衛留都為司禮監外差

司護湖廣承天府守備太監一員轄承德荆織造提督衛襄地方護衛典寧太監

南京一員蘇州一員杭州一員  
一員掌織造御用龍衣

鎮守

鎮守太監始于洪熙編設于正統凡各省各鎮

無不有鎮守太監至嘉靖八年後始革

市舶

廣東福建浙江三市舶司各設太監提督後罷浙江福建

二司惟存

監督倉場

各倉各場俱設監督太監

諸陵神宮監

各陵俱設神宮

監太監  
守陵

其外之監軍採辦糧稅礦關等使不常設者不

可勝紀也初吳元年置內史監設監令

正四品

丞

正五品

奉

御

從五品

內史

正七品

典簿

正八品

皇門官設皇門使

正五品

副

從五品

後改置內使監御用監各設令一人

正三品

丞二人

從三品

奉御

正六品

典簿

正七品

皇門官門正

正四品

副

從四品

春

宮門官正

正五品

副

從五品

御馬司司正

正五品

副

從五品

尚寶

兼守殿尚冠尚衣尚佩尚履尚藥紀事等奉御

俱正六品

洪

武二年定置內使監奉御六十人尚寶一人尚冠七人

尚衣十人尚佩九人尚藥七人紀事二人執膳四人司

脯二人司香四人太廟司香四人消潔二人置尚酒尚

醋尚麵尚染四局局設正一人副二人置御馬御用二

司司設正一人副二人內府庫設大使一人副使二人

內倉監設令一人丞二人及置東宮典璽典翰典膳典

服典藥典乘兵六局局設局郎一人丞一人又置門官

午門等十三門各設門正一人副一人東宮門官春和

門等四門各設門正一人副一人三年置王府承奉司

設承奉一人承奉副二人典寶典服典膳三所改內使  
各設正一人副一人門官設門正一人副一人

監御用監秩皆從三品

今從三品丞正四品

皇門官秩從四品

正門

從四品副正五品  
春宮門官正副同

四年復悉差其品秩以授散官乃改

內使監為正五品皇門官為正六品

洪武四年定內官散官正四品中正

大夫從四品中侍大夫正五品中衛大夫從五品侍直  
大夫正六品內侍郎從六品內直郎正七品正奉郎從

七品正衛郎正八品司奉郎從八品司直郎尋定內使  
監正五品授中衛大夫丞從五品授侍直大夫又皇門  
正局正司正東宮門正局正俱正六品授內侍郎尚寶  
奉御皇門副局副司副東宮門副局丞王府丞奉門正  
所正俱從六品授內直郎尚冠等奉御內府庫大使內  
倉監令王府丞奉副門副所副俱正七品授正奉郎庫  
副使倉丞俱從六年改御用監為供奉司秩從七品內  
七品授正衛郎設官五人

倉監為內府倉

以監令為大使  
監丞為副使

內府庫為承運庫

仍設大使

副使尋置紀事司以官者張翊為司正

秩正七品

又考前代糾

劾內官之法置內正司設司正一人

正七品

司副一人

從七

品專糾內官失儀及不法者旋改為典禮司又改為典

禮紀察司陞其品秩

司正陞正六品  
司副陞從六品

十年置神宮內使

監設監令

正五品  
丞從五品

司香奉御

正七品

典簿

從九品

天地

壇神壇各祠祭署設署令

正七品

丞

從七品

司香奉御

正八品

甲乙丙丁戊五庫各設大使

正七品

副使

從七品

及皇城門

官端門等十六門各設門正

正七品

副

從七品

十二年更置

尚衣尚冠尚履三監針工皮作巾帽三局改尚佩局為

尚佩監十六年置內府寶鈔廣源廣惠二庫職掌出納

楮幣入則廣源庫掌之出則廣惠庫掌之

寶鈔廣源庫  
設大使一人

正九品用流官副使一人從九品用內官寶鈔廣惠庫設大使二人正九品副使二人從九品俱流官內官兼

用

十七年更定內官諸監庫局品職內官監設令一人

正六品 丞二人從六品 典簿一人正九品 神宮監設令一人正七品

品 丞一人從七品 奉御一人正八品 尚寶監設令一人正七品

丞一人從七品 尚衣監設令一人正七品 丞一人從七品 奉御

四人正八品 尚膳監設令一人正七品 丞一人從七品 司設監

設令一人正七品 丞一人從七品 奉御四人正八品 司禮監設

令一人正七品 丞一人從七品 御馬監設令一人正七品 丞一



人從七品

直殿監設令一人

正七品

丞四人

從七品

小內使十

五人宮門承制設奉御五人

正八品

宮門守門官設門正

一人

正八品

副四人

從八品

內承運庫設大使一人

正九品

副

使二人

從九品

司鑰庫設大使一人

正九品

副使四人

從九品

巾帽局設大使一人

正九品

副使一人

從九品

針工局設大

使一人

正九品

副使一人

從九品

織染局設大使一人

正九品

副使一人

從九品

顏料局設大使一人

正九品

司苑局設大

使一人

正九品

司牧局設大使一人

正九品

皆於內官中選

用二十八年重定內官監司庫局與諸門官並東宮六

局王府承奉等官職秩凡內官監十一曰神宮監曰尚

寶監曰孝陵神宮監曰尚膳監曰尚衣監曰司設監曰

內官監曰司禮監曰御馬監曰印綬監曰直殿監皆設

太監一人正四品左右少監各一人從四品左右監丞各一

人正五品典簿一人正六品又設長隨奉御正六品各門官七

午門東華門西華門元武門奉天門左順門右順門皆

設門正一人正四品門副一人從四品司二曰鐘鼓司曰惜

新司皆設司正一人

正五品

左右司副各一人

從五品

局庫

九曰兵仗局曰內織染局曰針工局曰巾帽局曰司苑

局曰酒醋麵局曰內承運庫曰司鑰庫曰內府供用庫

每局庫各設大使一人

正五品

左右副使各一人

從五品

東

宮典璽典藥典膳典服典兵典乘六局各設局郎一人

正五品

局丞二人

從五品

惟典璽局增設紀事奉御

正六品

親

王府承奉司設承奉正

正六品

承奉副

從六品

所三曰

典寶

所設典寶正一人

正六品

副一人

從六品

曰典膳所設典膳

正一人

正六品

副一人

從六品

曰典服所設典服正一人

正六品

品副一人

從六品

門官設門正一人

正六品

門副一人

從六品

又設內使十人

司冠一人 司衣三人 司佩一人 司履一人 司藥二人 司矢二人

各公主

位下設中使司司正司副各一人三十年置都知監設

太監一人

正四品

左右少監各一人

從四品

左右監丞各一

人

正五品

典簿一人

正六品

又置銀作局設大使一人

正五品

副使一人

從五品

太祖嘗謂侍臣曰朕觀周禮奄寺不及

百人後世至踰數千因用階亂此曹止可供洒掃給使

令非別有委任毋令過多又言此曹善者千百中不一  
二惡者常千百若用為耳目即耳目蔽用為心腹即心  
腹病馭之之道在使之畏法不可使有功畏法則檢束  
有功則驕恣有內侍事帝最久微言及政事立斥之終  
其身不召因定制內侍毋許識字洪武十七年置鐵牌  
文曰內臣不得干預政事犯者斬置宮門中又敕諸司  
毋得與內官監文移往來然二十五年命聶慶童往河  
州勅諭茶馬中官奉使行事已自此始成祖亦嘗云朕

一遵太祖訓無御寶文書即一軍一民中官不得擅調  
發有私役應天工匠者立命錦衣逮治顧中官四出實  
始永樂時元年李興等齎敕勞暹羅國王此奉使外國  
之始也三年命鄭和等率兵二萬行賞西洋古里滿刺  
諸國此將兵之始也八年敕王安等監都督譚青等軍  
馬靖巡視甘肅此監軍巡視之始也及洪熙元年以鄭  
和領下番官軍守備南京遂相沿不改敕王安鎮守甘  
肅而各省鎮皆設鎮守矣宣德四年特設文書房命大

學士陳山專授小內史書而太祖不許識字讀書之制  
由此而廢賜王瑾金英印記則與諸密勿大臣同賜金  
英范宏等免死詔則又無異勲臣之鐵券也英之王振  
憲之汪直武之劉瑾熹之魏忠賢太阿倒握威福下移  
神宗礦稅之使無一方不罹厥害其他怙勢薰灼不可  
勝紀而蔭弟蔭姪封伯封公則撓官制之大者莊烈帝  
初翦大慙中外頌聖既而鎮守出征督餉坐營等事無  
一不命中官為之而明亦遂亡矣

女官六局尚宮局

尚宮二人正五品六尚並同尚宮掌導引中宮凡六局出納文籍皆印署

之若徵辦于外則為之請旨牒付內官監監受牒行移于外

領司四司記

司記二人正六品典

記二人正七品掌記二人正八品掌宮內諸司簿書出入錄目番署加印然後授行女史六人掌執文書凡二

十四司二十四典二十四掌品秩並同

司言

司言二人典言二人掌言二人女史四人掌宣傳啟奏凡

今節外命婦朝賀中官司言傳旨

司簿

司簿二人典簿二人掌簿二人女史六人掌宮人名籍及康賜

之司闈

司闈六人典闈六人掌闈六人女史四人掌宮中管鑰之事

尚儀局

尚儀二人掌禮

儀起居事領司四司籍

司籍二人典簿二人掌籍二人女史十人掌經籍圖書筆札几案之事

司樂

司樂四人典樂四人掌樂四人女史二人掌音樂之事

司賓

司賓二人典賓二人掌賓二人



女史二人掌朝見宴會賜齊之事

**司贊**

司贊二人典贊二人掌贊二人女史二人掌朝見宴會贊相之

**形史**

形史二人正六品掌宴見進御之事凡后妃羣妾御于君所形史謹書其日月

**尚服局**

尚服二人掌供服用采章之數

**領司四司寶**

司寶二人典寶二人掌寶二人女史四人掌寶璽印

**契司衣**

司衣二人典衣二人掌衣服首飾之事

**司飾**

司飾二人典飾二人

掌飾二人女史二人掌巾櫛膏沐之事

**司仗**

司仗二人典仗二人掌仗二人女史二人凡朝賀帥女官

擎執儀仗 **尚食局**

尚食二人掌膳羞品齊之數凡以飲食進御尚食先嘗之

**領司四司膳**

司膳四人典膳四人掌膳四人女史四人掌割烹煎和之事

**司醢**

司醢二人典醢二人掌醢二人女史

二人掌酒醴醢飲之事

**司藥**

司藥二人典藥二人掌藥二人女史四人掌醫方藥物

**司饔**

司饔

二人典膳二人掌膳二  
人掌康餼薪炭之事

### 尚寢局

尚寢二人掌  
天子之宴寢  
領司四司

設

司設二人典設二人掌設二人女史  
四人掌床帷茵席汛掃張設之事

司與

司與二人  
典與二人

掌與二人女史二人

司苑

司苑二人典苑二人掌苑二  
人女史四人掌園圃種植花

果司燈

司燈二人典燈二人掌燈  
二人女史二人掌燈燭事

尚功局

尚功二人掌  
督女紅之程

課

領司四司製

司製二人典製二人掌製二人女  
史四人掌衣服裁製縫紉之事

司珍

司珍二人典珍二人掌珍二  
人女史六人掌金玉寶貨

司綵

司綵二人典綵二人  
掌綵二人女史六人

掌繪綿

司計

司計二人典計二人掌記二人女史  
四人掌度支衣服飲食柴炭之事

宮正

司

宮正一人正五品司正二人正六品典正二人正七  
品掌糾察宮閤戎令滴罰之事大事則奏聞女史四

人記功過

吳元年置內職六尚局洪武五年定為六局一司

局曰尚宮曰尚儀曰尚食曰尚服曰尚寢曰尚功司曰

宮正

尚宮二人尚儀尚服尚食尚寢尚功各一人宮正二人俱正六品

六局分領二十

四司每司或二人或四人

司記司言司簿司樂司寶司衣司飾司醴司藥司供司典

司苑司珍司絲司記各二人司閹司籍司賓司贊司仗司饌司設司燈司製各二人

女史十八人

尚功局六人餘五局及宮正司各二人

十七年更定品秩

尚宮尚儀尚服尚食尚寢尚功

宮正各一人俱改正五品二十四司正六品增設二十四掌正七品宮正司增設司正正六品

二十二

年授宮官敕服勞多者或五載六載得歸父母聽婚嫁

年高者許歸願留者聽現授職者家給與祿二十七年

又重定品職

增設二十四典正七品改二十四掌為正八品尚儀局增設彤史正六品官正司增

設典正正七品自六尚以下員數俱如前所列凡官官一百八十七人女史九十六人

六局各鑄

印給之永樂後職盡移于宦官其官官所存者惟尚寶

四司而已



明史卷七十四



總校官編修臣吳紹濬

欽定四庫全書薈要

史部  
明史卷七十五  
六

詳校官編修臣繆晉



欽定四庫全書薈要卷六千六百六十八 史部

明史卷七十五

大學士張廷玉等奉 敕修

志第五十一

職官四

南京宗人府

吏部

戶部 附總督糧儲

禮部

兵部

刑部





工部

都察院 附提督操江

通政司

大理寺

詹事府

翰林院

國子監

太常寺

光祿寺

太僕寺

鴻臚寺

尚寶司

六科

行人司

欽天監

太醫院

五城兵馬司

應天府

附上海江寧二縣已上南京官

王府長史司

布政司

按察司

各道

行太僕寺

苑馬寺

都轉運鹽使司

鹽課提舉司

市舶提舉司

茶馬司

府

州

縣

儒學

巡檢司

驛

稅課司

倉庫

織染局

河泊所  
附閘壩官

批驗所

遞運所

鐵冶所

醫學

陰陽學

僧綱司

道紀司

南京宗人府經歷司經歷一人  
南京官品秩俱同北京

吏部尚書一人右侍郎一人

六部侍郎至弘治後始專設右萬曆三年俱革十一

年復設天啟中每部增侍郎一人崇禎間革

其屬司務廳司務一人文選考

功驗封稽勲四清吏司各郎中一人主事一人

驗封稽勲二司

主事後並革凡南京官六年考察考功掌之不由北吏部

戶部尚書一人右侍郎一人司務一人照磨一人十三

司郎中十三人員外郎九人

浙江江西湖廣廣東廣西福建山西陝西雲南九司

各一人嘉靖三十七年革山西陝西二司員外郎各一人隆慶中又革廣西雲南二司員外郎各一人主

事十七人

山西廣東廣西雲南四司各二人隆慶三年革廣東司主事一人

所轄寶鈔

提舉司提舉一人廣積庫承運庫贓罰庫甲乙丙丁戊

五字庫寶鈔廣惠庫軍儲倉各大使一人長安門倉東

安門倉西安門倉北安門倉各副使一人龍江鹽倉檢

校批驗所各大使一人

隆慶三年革寶鈔司  
提舉軍儲倉大使

總督糧儲一人

嘉靖以前特設都御史二十六年革  
以戶部右侍郎加都御史銜領之

禮部尚書一人右侍郎一人司務一人儀制祠祭主客

精膳四司各郎中一人儀制祠祭二司各主事一人所

轄鑄印局副使一人教坊司右韶舞一人左右司樂各

一人

兵部尚書參贊機務一人右侍郎一人司務一人武選

職方車駕武庫四司郎中四人員外郎二人

武選武庫  
無員外郎

主事五人

車駕主  
事二人

所轄典牧所提領一人

正八品

會同館

大勝關各大使一人按參贊機務自宣德八年黃福始

成化二十三年始奉敕諭專以本部尚書參贊機務同

內外守備官操練軍馬撫卹人民禁戢盜賊振舉庶務

故其職視五部為特重云

刑部尚書一人右侍郎一人司務照磨各一人十三司

郎中十三人員外郎五人

惟浙江江西河南  
陝西廣東五司設

主事十四

人

廣東司  
二人

分掌南京諸司及公侯伯五府京衛所刑名

之事司獄二人

工部尚書一人右侍郎一人司務一人營繕虞衡都水

屯田四司郎中四人員外郎二人

營繕司一人都水司  
一人嘉靖三十七年

革都水  
員外郎

主事八人

營繕司三人屯田  
司一人餘各二人

所轄營繕所所正

所副所丞各一人龍江清江二提舉司各提舉一人

副  
提

舉後  
革

文思院寶源局軍器局織染所龍江抽分竹木局

瓦屑壩抽分竹木局各大使一人

嘉靖三十七年  
革文思院大使

都察院右都御史一人右副都御史一人右僉都御史

一人司務經歷都事照磨各一人司獄二人

嘉靖三十七年革司

獄一人隆慶  
四年革都事

浙江江西河南山東山西陝西四川雲南

貴州九道各御史二人福建湖廣廣東廣西四道各御

史三人

嘉靖後不全設恒  
以一人兼數道

凡刷卷巡倉巡江巡城屯田

印馬巡視糧儲監收糧斛點閘軍士管理京營比驗軍



器皆叙而差之清軍則偕兵部兵科覈後湖黃冊則偕

戶部戶科

提督操江一人

以副僉都御史為之  
領上下江防之事

通政使司通政使一人右通政一人右參議一人掌收

呈狀付刑部審理經歷一人

大理寺卿一人右寺丞一人司務一人左右寺正各一

人左右評事各三人

隆慶三年革左  
右評事各一人

詹事府主事一人

翰林院學士一人

不常置以翰林坊局官署職

孔目一人

國子監祭酒一人司業一人監丞一人典簿一人博士

三人助教六人學正五人學錄二人典籍一人掌饌一

人

嘉靖三十七年革助教二人及掌饌人隆慶四年革博士一人學正一人

太常寺卿一人少卿一人典簿一人博士一人協律郎

二人贊禮郎七人

嘉靖中革贊禮郎一人

司樂二人各祠祭署合

奉祀八人祀丞七人

天地壇奉祀一祀丞一山川壇耜田奉祀一祖陵奉祀祀丞各一皇

陵奉祀祀丞各二孝陵揚王墳徐王墳各奉祀一祀丞一嘉靖後革天地壇祖陵揚王墳三祠祭署祀丞

光祿寺卿一人少卿一人

隆慶四年革少卿

典簿一人大官珍

羞良醞掌醢四署各署正一人署丞一人

嘉靖中革良醞掌醢二署

署丞萬厯中

革珍羞署丞

太僕寺卿一人少卿二人寺丞二人

隆慶中革少卿一人寺丞一人

主

簿一人

鴻臚寺卿一人主簿一人司儀司賓二署各署丞一人

鳴贊四人序班九人

尚寶司卿一人

吏戶禮兵刑工六科給事中六人又戶科給事中一人  
管理後湖黃冊

行人司左司副一人

欽天監監正一人監副一人主簿一人五官正一人五  
官靈臺郎二人五官監候一人五官司歷一人

太醫院院判一人吏目一人惠民藥局生藥庫各大使  
一人

五城兵馬司指揮各一人副指揮各三人吏目各一人

萬曆中革副指

揮每城二人

應天府府尹一人府丞一人治中一人通判二人推官  
一人經歷知事照磨檢校各一人儒學教授一人訓導  
六人所轄上元江寧二縣各知縣一人縣丞一人主簿  
二人典史一人司獄一人織染局大使一人左右副使  
各一人都稅司宣課司  
凡四龍江江東聚寶門太平門稅課司  
凡二龍江龍潭  
各大使一人副使或一人或二人龍江遞運所大使副  
使各一人批驗所大使一人河泊所官一人龍江關石

灰山關各大使一人副使四人洪武三年改應天府知府為府尹秩正三品賜銀印十三年始立儒學

南京官自永樂四年成祖往北京置行部尚書備行在九卿印以從是時皇太子監國大小庶務悉以委之惟封爵大辟除拜三品以上文武職則六科都給事中以聞政本故在南也十八年官屬悉移而北南京六部所存惟禮刑工三部各一侍郎在南之官加南京字於職銜上仁宗時補設官屬除南京字正統六年定制復如

永樂時

王府長史司左右長史各一人

正五品

其屬典簿一人

正九

品所轄審理所審理正一人

正六品

副一人

正七品

典膳所

典膳正一人

正八品

副一人

從八品

奉祠所奉祠正一人

正八

品副一人

從八品

典樂一人

正九品

典寶所典寶正一人

正八

品副一人

從八品

紀善所紀善二人

正八品

良醫所良醫正

一人

正八品

副一人

從八品

典儀所典儀正一人

正九品

副一

人

從九品

工正所工正一人

正八品

副一人

從八品

所副官嘉靖四

十四年  
並革

伴讀四人

從九品後  
止設二人

教授無定員

從九品

引禮舍

人三人

後革  
二人

倉大使副使各一人庫大使副使各一人

倉庫副使

郡王府教授一人

從九品

典膳一人

正八品

鎮國

後俱革

將軍教授一人

從九品

長史掌王府之政令輔相規諷以

匡王失率府僚各供乃事而總其庶務焉凡請名請封

請婚請恩澤及陳謝進獻表啟書疏長史為王奏上若

王有過則詰長史曾經過犯之人毋得選用是職審理

掌推按刑獄禁詰橫暴無干國紀典膳掌祭祀賓客王



若妃之膳羞奉祠掌祭祀樂舞典寶掌王寶符牌紀善  
掌諷導禮法開諭古誼及國家恩義大節以詔王善良  
醫掌醫典儀掌陳儀式工正掌繕造修葺宮邸廨舍伴  
讀掌侍從起居陳設經史教授掌以德儀迪王校勘經  
籍凡宗室年十歲以上入宗學教授與紀善為之師引  
禮掌接對賓客贊相威儀洪武三年置王相府左右相

各一人

正二品

左右傳各一人

從二品

叅軍府叅軍一人

正五品

品錄事二人

正七品

紀善一人

正七品

各以其品秩列朝官

之次又置典籤司諮議官尋以王府武相皆勲臣令居

文相上王相府官屬仍與朝官更互除授是年置王府

教授四年更定官制

左右相正二品文武傳從二品參軍從五品錄事正七品審理正正

六品副正七品紀善正七品各署典祠正典寶正典儀正典膳正典服正工正醫正並正七品副並從七品牧

正正八品副從八品引禮舍人省注九年改參軍為長史罷王相府及典

籤司諮議官增設伴讀四人選老成明經慎行之士任

之侍讀四人收掌文籍少則缺之尋改王相府所屬奉

祠典寶典膳良醫工正各所正并紀善俱正八品副從

八品十三年并罷王相府陞長史司為正五品置左右  
長史各一人典簿一人定王府尊牲所倉庫等官俱為  
雜職二十八年置靖江王府諮議所諮議記室教授各  
一人建文中增置親王賓輔二人伴讀伴講伴書各一  
人長史三人郡王賓友二人教授一人記室二人直史  
一人左右直史各一人吏目一人典印典祠典禮典饌  
典藥五署官各一人典儀二人引禮舍人二人儀仗司  
吏目一人其賓輔三伴賓友教授進見時侍坐稱名而

不稱臣禮如賓師成祖初復舊制改靖江王府諮議所

為長史司萬厯間周府設宗正一人後各府亦漸置郡王府增

設教授一人又洪武七年公主府設家令一人正七品司

丞一人正八品錄事一人正九品二十三年改家令司為中

使司以內使為之

承宣布政使司左右布政使各一人從二品左右叅政從三

品左右叅議無定員從四品叅議因事添設各省不等詳諸道經歷司經

厯一人從六品都事一人從七品照磨所照磨一人從八品檢

校一人

品正九

理問所理問一人

品從六

副理問一人

品從七

提控案牘一人司獄司司獄一人

品從九

庫大使一人

品從九

品副使一人倉大使一人

品從九

副使一人雜造局軍器

局寶泉局織染局各大使一人

品從九

副使一人

所轄衙門各省

不同詳見雜職

布政使掌一省之政朝廷有德澤禁令承流宣

播以下於有司凡僚屬滿秩廉其稱職不稱職上下其

考報撫按以達於吏部都察院三年率其府州縣正官

朝覲京師以聽察典十年會戶版以登民數田數賓興

貢合省之士而提調之宗室官吏師生軍伍以時班其  
祿俸廩糧祀典神祇謹其時祀民鰥寡孤獨者養之孝  
弟貞烈者表揚之水旱疾疫灾祲則請於上蠲振之凡  
貢賦役視府州縣土地人民豐瘠多寡而均其數凡有  
大興革及諸政務會都按議經畫定而請於撫按若總  
督其國慶國哀遣僚貳朝賀弔祭於京師天子即位則  
左布政使親至叅政叅議分守各道及派管糧儲屯田  
清軍驛傳水利撫民等事併分司協管京畿

兩京不設  
布按無叅

政參議副使僉事故於旁近  
布按分司帶管詳見各道  
經歷都事典受發文移其

詳巡按巡鹽御史文書用經歷印照磨檢校典勘理卷

宗理問典刑名初太祖下慶集自領江南行中書省戊

戌置中書分省於婺州後每畧定地方即置行省其官

自平章政事以下大畧與中書省同設行省平章政事

從一品左右丞正二品叅知政事從二品左右司郎中從五品

外郎從六品都事檢校從七品照磨管勾從八品理問所正理

問正四品副理問正五品知事從八品尋改知事為提控案牘

省洪武九年改浙江江西福建北平廣西四川山東廣

東河南陝西湖廣山西諸行省俱為承宣布政使司罷  
行省平章政事左右丞等官改叅知政事為布政使秩  
正二品左右叅政從二品改左右司為經歷司十三年  
改布政使正三品叅政從三品十四年增置左右叅議  
正四品尋增設左右布政使各一人十五年置雲南布  
政司二十二年定秩從二品建文中陞正二品裁一人  
成祖復舊制永樂元年以北平布政司為北京五年置



交趾布政司十一年置貴州布政司

止設使一人餘宣官如布政使司

德三年置交趾布政司除兩京外定為十三布政司初

置藩司與六部均重布政使入為尚書侍郎副都御史

每出為布政使宣德正統間猶然自後無之

提刑按察使司按察司一人

正三品

副使

正四品

僉事無定

員

正五品詳見諸道

經歷司經歷一人

正七品

知事一人

正八品

照

磨所照磨一人

正九品

檢校一人

從九品

司獄司司獄一人

從九品按察使掌一省刑名按劾之事糾官邪戢奸暴平

獄訟雪冤抑以振揚風紀而澄清其吏治大者暨都布  
二司會議告撫按以聽於部院凡朝覲慶弔之禮具如  
布政司副使僉事分道巡察其兵備提學撫民巡海清  
軍驛傳水利屯田招練監軍各專事置併分員巡脩京  
畿明初置提刑按察司吳元年置各道按察司設按察  
使正三品副使正四品僉事正五品十三年改使秩正  
四品尋罷十四年復置并置各道按察分司十五年又  
置天下府州縣按察分司以儒士王存中等五百三十

一人為試僉事人按二縣凡官吏賢否軍民利病皆得  
廉問糾舉十六年盡罷試僉事改按察使為從三品副  
使二人從四品僉事從五品多寡從其分道之數二十  
二年復定按察使為正三品二十九年改置按察分司

為四十一道

直隸六曰淮西道曰淮東道曰蘇松道曰  
建安徽寧道曰常鎮道曰京畿道浙江二

曰浙東道曰浙西道四川三曰川西道曰川東道曰黔  
南道山東三曰濟南道曰海右道曰遼海東寧道河南  
二曰河南道曰河北道北平二曰燕南道曰燕北道陝  
西五曰關內道曰關南道曰河西道曰隴右道曰西寧  
道山西三曰冀寧道曰冀北道曰河東道江西三曰嶺  
北道曰西江道曰湖東道廣東三曰嶺南道曰海南道

曰海北道廣西三曰桂林蒼梧道曰左江道曰右江道  
福建二曰建寧道曰福寧道湖廣四曰武昌道曰荆南

道白湖南道  
曰湖北道

三十年始置雲南按察司

先是命布政司兼理

建文

時改為十三道肅政按察司成祖初復舊永樂五年置

交趾按察司又增設各按察司僉事

因督軍衛屯糧增浙江江西廣東廣

西湖廣河南雲南四川各一人陝西福建山東山西各二人此增設監司之始

十二年置貴州

按察司宣德五年革交趾按察司

除兩京不設共十三按察司

正統

三年增設理倉副使僉事又設僉事與布政司叅議各

一員於甘肅監收倉糧八年增設僉事專理屯田景泰

二年增巡河僉事自後各省因事添設或置或罷不可勝紀今總布按二司所分諸道詳左

布政司叅政叅議分司諸道督糧道

十三布政司各一員俱駐省城督

冊道

江西陝西等間設

分守道浙江杭嘉湖道寧紹台道金衢

嚴道溫處道

俱駐省

江西南瑞道湖東道

駐廣信湖西道

駐臨江

饒南九江道

駐九江

贛寧道

駐南安

山東濟南道東充

道海右道

俱駐省

山西冀寧道河東道

駐蒲州

冀北道

駐大

同

冀南道

駐汾州

陝西關內道

駐省

關西道

駐鳳翔

西寧道

駐涼

州關南道

駐興安

河西道

駐慶陽

隴右道

駐鞏昌

河南大梁道

省駐河南道

駐河南

汝南道

駐南陽

河北道

駐懷慶

湖廣武昌道

下荆南道

駐鄖陽

上荆南道

兼兵備駐澧州

荆西道

兼兵備駐安陸

上湖

南道下湖南道上江防道

或駐荆州岳州

下江防道福建興泉

道

駐泉州

福寧道

駐興化

漳南道

駐漳州

建南道

駐延平

汀漳道

駐上杭縣

廣東嶺東道

駐潮州

嶺西道

駐高州

羅定道

兼兵備駐羅定州

嶺北道嶺南道

駐南雄

四川西道川北道

駐保寧

上下川

東道

駐涪州

上川南道

雅州嘉定二署

下川南道

叙州瀘州二署

廣西桂

平道駐省蒼梧道

駐梧州

左江道

駐潯州

右江道

駐柳州

貴州安

平道貴寧道

駐省

新鎮道

駐平越

思仁道

駐思南

雲南臨安道

騰衝道瀾滄道

以上或參政或恭議

按察司副使僉事分司諸道提督學道清軍道驛傳道

十三布政司俱各一員惟湖廣提學二員浙江山西陝西福建廣西貴州清軍兼驛傳江西左右布政使清軍

分巡道浙江杭嚴道寧紹道嘉湖道金衢道江西饒南

九江道

駐饒州

湖西道

駐吉安

南昌道湖東道嶺北道山東

兗州道

駐沂州

濟寧道青州海防道濟南道

移德州

海右道

駐省海道駐萊州登萊道遼海道山西冀寧道冀南道駐安路

雁門道陝西關內道駐郿州關西道駐平涼隴右道駐秦州河

西道駐廊州西寧道河南大梁道汝南道駐信陽州河南道駐汝

州河北道駐磁州湖廣武昌道荆西道駐河陽上荆南道下

荆南道湖北道上湖南道下湖南道沅靖道福建巡海

道魚理糧儲福寧道興泉道駐泉州建南道駐建寧武平道漳南

道駐上杭縣建寧道海道駐漳州汀漳道廣東嶺東道駐惠州嶺

西道駐肇慶嶺南道駐省海北道駐雷州海南道駐瓊州四川上



東道

駐重慶

下東道

駐達州

川西道川北道

駐保寧

下川南道

上川南道廣西府江兵巡道

駐平樂

桂林兵巡道

駐省

蒼梧

兵巡道

駐梧州  
鬱林州

左江兵巡道

駐南寧

右江兵巡道

駐賓州上

五道俱  
兼兵備

貴州貴寧道思石道

駐銅仁

都清道

兼兵備  
駐都勻

雲南

安普道臨沅道洱海道金滄道整飭兵備道浙江寧紹

道嘉興道溫處道台海道江西南瑞道廣建道

駐建昌山

東臨清道武德道

駐武定州

曹濮道

駐曹州

沂州道遼東道山

西雁北道

駐代州

大同道

二員一駐  
同一駐朔州

陽和道潞安道奇

嵐道陝西肅州道固原道臨洮道

駐蘭州

洮岷道

駐岷州

靖

遠道榆林中路道榆林東路道

駐神木縣

寧夏河西道

駐寧夏

寧夏河東兵糧道

駐花馬池

莊浪道漢羌道潼關道湖廣辰

沅道河南睢東道福建兵備道巡海道廣東南韶道南

雄道四川松潘道威茂道建昌道重慶道安綿道叙瀘

道廣西分巡兼兵備

五道俱見分巡

貴州威清道

駐安順

畢節道

雲南曲靖道其外又有協堂道

副使河南浙江間設

水利道

浙江屯

田道

江西河南四川三省屯田兼驛傳

管河道

河南鹽法道撫治

陝西撫治

商洛道湖廣又

監軍道

因事不常設

招練道

山東其北直隸間設

其道寄銜於山東者則為密雲道大名道天津道霸州

道寄銜於山西者則為易州道口北道昌平道井陘道

薊州永平等道南直隸之道寄銜於山東者太倉道潁

州道徐州道寄銜浙江江西湖廣者蘇松道漕儲道常

鎮道廬鳳道徽寧池太道淮揚道按明初志恐守令貪

鄙不法故於直隸府州縣設巡按御史各布政司所屬

設試僉事已罷試僉事改按察分司四十一道此分巡

之始也分守起於永樂間每令方面官巡視民瘼後遂  
定右叅政右叅議分守各屬府州縣兵道之設仿自洪  
熙間以武臣踈於文墨遣叅政副使沈固劉紹等往各  
總兵處整理文書商榷機密未嘗身領軍務也至弘治  
中本兵馬文升慮武職不脩議增副僉一員敕之自是  
兵備之員盈天下兩京不設布按二司故學督以御史  
後置守巡諸員無所屬則寄銜於鄰近省布按司官

行太僕寺卿一人

從三品

少卿一人

正四品

寺丞無定員

正六品

品 其屬主簿一人

從七品

掌各邊衛所營堡之馬政以聽

於兵部凡騎操馬匹印烙俵散課掌孳牧以時督察之  
歲春秋閱視其增耗齒色三歲一稽比布按二司不得  
與有瘠損則聽兵部叅罰苑馬寺亦如之洪武三十年  
置行太僕寺於山西北平陝西甘肅遼東山西北平陝  
西每寺設少卿一人丞三人甘肅遼東每寺設少卿丞  
各一人擇致仕指揮千百戶為之永樂四年許令寺官  
按治所轄衛所鎮撫首領官吏十八年以北京行太僕

寺為太僕寺宣德七年發雜犯死罪應充軍者於陝西  
行太僕寺養馬弘治十年簡推素有才望者補本寺官  
視太僕寺官陞擢嘉靖三年從御史陳講請增設陝西  
甘肅二寺各少卿一員分管延綏寧夏二十九年令寺  
官遇聖節輪年齋進表文

苑馬寺卿一人

從三品

少卿一人

正四品

寺丞無定員

正六品

其屬主簿一人

從七品

各牧監監正一人

正九品

監副一人

從九品

錄事一人各苑圉長一人

從九品

掌六監二十四苑

之馬政而聽於兵部凡苑視廣狹為三等上苑牧馬萬

匹中苑七千下苑四千凡牧地曰草場曰荒地曰熟地

嚴禁令而封表之凡牧人曰恩軍曰隊軍曰改編之軍

曰充發之軍曰召募之軍曰抽選之軍皆籍而食之凡

馬駒歲籍其監苑之數上於兵部以聽考課監正副掌

監苑之牧事圉長帥羣長而旱蕃馬匹永樂四年置苑

馬寺凡四北直隸遼東平涼甘肅五年增設北直隸苑

馬寺六監二十四苑

順義長春咸和馴良四苑隸清河  
監水州隆平大牧遂寧隸金臺監

沂池鹿鳴龍河長興隸涿鹿監遼陽龍山萬安蕃昌隸  
盧龍監清流廣蕃龍泉松林隸香山監河陽崇義興寧

永成隸  
通州監

六年增甘肅平涼二等監

每寺各六監  
二十四苑

十八年

草北京苑馬寺并入太僕正統四年草甘肅苑馬寺改  
牧恩軍於黑水口隸長樂監弘治二年草平涼寺丞一

員十七年都御史楊一清奏請行太僕苑馬二寺員缺

簡選才望叅政副使補陞卿叅議僉事補陞少卿以振

馬政十八年又請添設寺員嘉靖三十二年以遼東寺

卿張思兼轄金復蓋州三衛軍民四十二年又命帶理



兵備事

都轉運鹽使司都轉運使一人從三品同知一人從四品副

使一人從五品判官無定員從六品其屬經歷司經歷一人

從七品知事一人從八品庫大使副使各一人所轄各場鹽

課司大使大使各鹽倉大使副使各批驗所大使副使  
並一人俱未入流都轉運使掌鹽監之事同知副判分司之

都轉運鹽使司凡六曰兩淮曰兩浙曰長蘆曰河東曰  
山東曰福建分司十四泰州淮安通州隸兩淮嘉興松

江寧紹溫台隸兩浙滄州青州隸長蘆膠萊濱樂隸山

東解鹽東場西場中場隸河東分副使若副判涖之督

各場倉鹽課司以總於都轉運使共奉巡鹽御史或鹽

法道臣之政令

福建山東無巡鹽御史  
餘詳食貨志鹽法中

鹽課提舉司提舉一人

從五品

同提舉一人

從六品

副提舉

無定員

從七品

其屬吏目一人

從九品

庫大使副使一人所

轄各鹽倉大使副使各場各井鹽課司大使副使並一

人提舉司凡七曰四川曰廣東海北

廣州

曰黑鹽井

楚曰

白鹽井

姚安

曰安寧曰五井

大理

曰察罕諾爾又有遼東煎

鹽提舉司

提舉正七品同提舉正八品副提舉正九品

其職掌皆如都轉運

司明初置都轉運司於兩淮吳元年置兩浙都轉運司

於杭州定都轉運使秩正三品設同知

正四品

副使

正五品

運判

正六品

經歷

正七品

知事

正八品

照磨綱官

正九品

鹽場設

司令

從七品

司丞

從八品

百夫長

省注

洪武二年置長蘆河東

二都轉運司及廣東海北鹽課提舉司尋又置山東福

建二都轉運司三年又於陝西察罕諾爾之地置鹽課

提舉司後漸增置各處建文中改廣東提舉為都轉運  
司永樂初復故十四年初命御史巡鹽景泰三年置長  
蘆兩淮巡鹽御史命撫按官兼理已復遣御史其無御  
史者分按察司理之又洪武中於四川置茶鹽都轉運  
司洪武五年置設官如都轉運鹽使司十年罷納溪白渡二鹽馬司洪武五年置以  
常選官為司令內使為丞十有三年罷尋復置十五年改設大使副使各一人後並革又有順  
龍鹽馬司亦革

市舶提舉司提舉一人

從五品

副提舉二人

從六品

其屬吏

目一人

從九品

掌海外諸蕃朝貢市場之事辦其使人表

文勘合之真偽禁通番征私貨平交易閑其出入而慎

館穀之吳元年置市舶提舉司洪武三年罷太倉黃渡

市舶司七年罷福建之泉州浙江之明州廣東之廣州

三市舶司永樂元年復置設官如洪武初制尋命內臣

提督之嘉靖元年給事中夏言奏倭禍起於市舶遂草

福建浙江二市舶司惟存廣東市舶司

茶馬司大使一人

正九品

副使一人

從九品

掌市馬之事洪

武中置洮州秦州河州三茶馬司設司令司丞十五年  
改設大使副使各一人尋罷洮州茶馬司以河州茶馬  
司兼領之三十年改秦州茶馬司為西寧茶馬司又洪  
武中置四川永寧茶馬司後革復置雅州碶門茶馬司  
又於廣西置慶遠裕民司洪武七年置設大使一人  
從八品副使一人正九品市  
八番溪洞之馬後亦革

府知府一人

正四品

同知

正五品

通判無定員

正六品

推官一

人

正七品

其屬經歷司經歷一人

正八品

知事一人

正九品

照

磨所照磨一人

從九品

檢校一人司獄司司獄一人

所轄別見

知府掌一府之政宣風化平獄訟均賦役以教養百姓

每三歲察屬吏之賢否上下其考以達於省上吏部凡

朝賀弔祭視布政使司直隸府得專達凡詔赦例令勘

劄至謹受之下所置奉行所屬之政皆受約束於府劑

量輕重而令之大者白於撫按布按議允乃行凡賓興

科貢提調學校修明祀典之事咸掌之若籍帳軍匠驛

遞馬牧盜賊倉庫河渠溝防道路之事雖有專官皆總

領而稽覈之同知通判分掌清軍巡捕管糧治農水利

屯田牧馬等事無常職

各府所掌不同如延安延綏同知又兼牧民餘不盡載

無

定員

邊府同知有增至六七員者

推官理刑名贊計典

各府推官洪武三年始設

經歷照磨檢校受發上下文移磨勘六房宗卷明初改

諸路為府洪武六年分天下府三等糧二十萬石以上

為上府知府秩從三品二十萬石以下為中府知府正

四品十萬石以下為下府知府從四品已並為正四品

七年減北方府州縣官三百八人十三年選國子學生



二十四人為府州縣官六月罷各府照磨二十七年復置自宣德三年棄交趾布政司計天下府凡一百五十有九

州知州一人

從五品

同知

從六品

判官無定員

從七品里不及三十而無

屬縣裁同知判官有屬縣裁同知

其屬吏目一人

從九品所轄別見

知州掌一

州之政凡州二有屬州有直隸州屬州視縣直隸州視府而品秩則同同知判官俱視其州事之繁簡以供厥職計天下州凡二百三十有四

縣知縣一人

正七品

縣丞一人

正八品

主簿一人

正九品

其屬

典使一人

別所見

知縣掌一縣之政凡賦役歲會實征十

年造黃冊以丁產為差賦有金穀布帛及諸貨物之賦役有力役雇役借債不時之役皆視天時休咎地利豐耗人力貧富調劑而均節之歲歉則請於府若省蠲減之凡養老祀神貢士讀法表善良恤窮乏稽保甲嚴緝捕聽獄訟皆躬親厥職而勤慎焉若山海澤藪之產足以資國用者則按籍而致貢縣丞主簿分掌糧馬巡捕

之事典史典文移出納如無縣丞或無主簿則分領丞

簿職

縣丞主簿添革不一若編戶不及二十里者並裁

吳元年定縣三等糧十

萬石以下為上縣知縣從六品六萬石以下為中縣知  
縣正七品三萬石以下為下縣知縣從七品已並為正  
七品凡新授郡縣官給道里費洪武元年徵天下賢才  
為府州縣職敕命厚賜以勵其廉恥又敕諭之至於再  
三十七年定府州縣條例八事頒示天下永為遵守是  
時天下府州縣官廉能正直者必遣行人齎敕往勞增

秩賜金仁宣之際猶然英憲而下日罕自後益重內輕外此風絕矣計天下縣凡一千一百七十有一

儒學府教授一人

從九品

訓導四人州學正一人訓導三

人縣教諭一人訓導二人教授學正教諭掌教誨所屬生員訓導佐之凡生員廩膳增廣府學四十人州學三十人縣學二十人附學生無定數儒學官月課士子之藝業而獎勵之凡學政遵卧碑咸聽於提學憲臣提調府聽於府州聽於州縣聽於縣其殿最視鄉舉之有無

多寡明初置儒學提舉司洪武二年詔天下府州縣皆立學十三年改各州學正為未入流先是從九品二十四年

定儒學訓導位雜職上三十一年詔天下學官改授旁

郡州縣正統元年始設提督學校官又有都司儒學洪武

十七年置行都司儒學洪武二十三年置北平始衛儒學洪武十七年置岷州

衛二十三年置以教武臣子弟俱設教授一人訓導二

人河東又設都轉運司儒學制如府其後宣慰安撫等

土官俱設儒學

巡檢司巡檢副巡檢

俱從九品

主緝捕盜賊盤詰奸偽凡在

外各府州縣關津要害處俱設俾率徭役弓兵警備不虞初洪武二年以廣西地接徭獞始於關隘衝要之處設巡檢司以警奸盜後遂增置各處十三年二月特賜敕諭之尋改為雜職

驛驛丞典郵傳迎送之事凡舟車夫馬廩糗庖饌裋褐視使客之品秩僕夫之多寡而謹供應之支直於府若州縣而籍其出入

巡檢驛丞各府州縣有無多寡不同

稅課司

府曰司  
縣曰局

大使一人

從九品

典稅事凡商賈僧屠雜

市皆有常征以時推而輸其直於府若縣凡民間貿田

宅必操契券請印乃得收戶則征其直百之三明初改

在京官店為宣課司府州縣官店為通課司後改通課

司為稅課司局

倉大使一人

府從九品  
縣未入流

副使一人庫大使一人

州縣設

織染雜造局大使一人

從九品  
織染局未入流

副使一人

河泊所官掌收魚稅閘官壩官掌啓閉蓄洩洪武十五

年定天下河泊所凡二百五十二歲課糧二千石以上至萬石者設官三人千石以上設二人三百石以上設一人

批驗所大使一人副使一人掌驗茶鹽引

遞運所大使一人副使一人掌運遞糧物洪武九年始置先是在外多以衛所戍守軍士傳送軍囚太祖以其有妨練習守禦乃命兵部增置各處遞運所以便遞送設大使副使各一人驗夫多寡設百夫長以領之

後汰副使



草百  
夫長

鐵冶所大使一人副使一人洪武七年初置凡十三所

每所置大使副使各一人

初大使正八品副使正九品後俱為未入流

醫學府正科一人

從九品

州典科一人縣訓科一人洪武

十七年置設官不給祿

陰陽學府正術一人

從九品

州典術一人縣訓術一人亦

洪武十七年置設官不給祿

府僧綱司都綱一人

從九品

副都綱一人州僧正司僧正

一人縣僧會司僧會一人府道紀司都紀一人

從九品

副

都紀一人州道正司道正一人縣道會司道會一人俱  
洪武十五年置設官不給祿

明史卷七十五

欽定四庫全書薈要卷六千六百六十九 史部

明史卷七十六

大學士張廷玉等奉 敕修

志第五十二

職官五

公侯伯

駙馬都尉 附儀賓

五軍都督府

京營

京衛

錦衣衛 附旗手等衛

南京守備

南京五軍都督府

南京衛

王府護衛

附儀衛司

總兵官

留守司

都司

附行都司

各衛

各所

宣慰司

宣撫司

安撫司

招討司

長官司

附蠻夷長官司

軍民府

公侯伯凡三等以封功臣及外戚皆有流有世功臣則

給鐵券封號四等佐太祖定天下者曰開國輔運推誠

從成祖起兵曰奉天靖難推誠餘曰奉天翊運推誠曰

奉天翊衛推誠武臣曰宣力武臣文臣曰守正文臣歲

祿以功為差已封而又有功仍爵或進爵增祿其才而

賢者充官營總督五軍都督府掌僉書南京守備或出

充鎮守總兵官否則食祿奉朝請而已年幼而嗣爵者

咸入國子監讀書嘉靖八年定外戚封爵毋許世襲其

有世襲一二代者出特恩

駙馬都尉位在伯上凡尚大長公主長公主公主並曰駙馬都尉其尚郡主縣主郡君縣君鄉君者並曰儀賓歲祿各有差皆不得與政事明初駙馬都尉有典兵出鎮及掌府部事者建文時梅殷為鎮守淮安總兵官李堅為左副將軍成祖時李讓掌北京行部事仁宗時沐昕宣宗時宋琥並守備南京英宗時趙輝掌南京左府事其餘惟奉祀孝陵攝行廟祭署宗人府事往往受命一充其任若恩親

侯李貞永春侯王寧京山侯崔元以恩澤封侯非制也

中軍左軍右軍前軍後軍五都督府每府左右都督正一

品都督同知從一品都督僉事正二品恩功奇祿無定員其屬經歷司

經歷從五品都事從七品各一人都督府掌軍旅之事各領

其都司衛所詳見兵志以達於兵部凡武職世官流官

土官襲替優養優給所屬上之府移兵部請選既選移

府以下之都司衛所首領官聽吏部選授給繇亦如之

凡武官誥敕俸糧水陸步騎操練官舍旗役併試軍情



聲息軍伍勾補邊腹地圖文冊屯糧器械舟車薪葦之事並移所司而綜理之凡各省各鎮鎮守總兵官副總兵並以三等真署都督及公侯伯充之有大征討則掛諸號將軍或大將軍前將軍副將軍印總兵出既事納之其各府之掌印及僉書率皆公侯伯

間有屬老將之實為都督者不

能一也初太祖下集慶即置行樞密院自領之又置諸翼

統軍元帥府尋罷樞密院改置大都督府以朱文正為大都督節制中外諸軍事設司馬叅軍經歷都事等官

又增設左右都督同知副使僉事照磨各一人并設斷

事官定制大都督從一品左右都督正二品同知都督

從二品副都督正三品僉都督從三品經歷從五品都

事從七品統軍元帥府元帥正三品同知元帥從三品

副使正四品經歷正七品知事從八品照磨正九品又

以都鎮撫司隸大都督府

先是屬中書省

秩從四品尋罷統軍

元帥府吳元年更定官制罷大都督不設以左右都督

為長官

正一品

同知都督

從一品

副都督

正二品

僉都督

從二品

俱陞品秩其屬設叅議

正四品

經歷斷事官

從五品

都事

正七

品照磨

從七品

洪武九年罷副都督改叅議為掌判官十

二年陞都督僉事為正二品掌判官為正三品十三年

始改都督府為五軍都督府分領在京各衛所

惟錦衣等親軍

上直衛不隸五府

及在外各都司衛所以中軍都督府斷事官

為五軍斷事官十五年置五軍十衛叅軍府設左右叅

軍十七年五軍各設左右斷事二人提控案牘一人

並從

品九二十三年陞五軍斷事官為正五品總治五軍刑獄

分為五司司設稽仁稽義稽禮稽智稽信五人

俱正七品

各

理其軍中刑獄二十九年置五軍照磨所專掌文牘建  
文中革斷事及五司官永樂元年設北京留守行後軍  
都督府置左右都督都督同知都督僉事無定員經歷  
都事各一人後又分五府稱行在五軍都督府十八年  
除行在字在應天者加南京字洪熙元年復稱行在仍  
設行後府宣德三年又革正統六年復除行在字

京營永樂二十二年置三大營曰五軍營曰神機營曰

三千營五軍神機各設中軍左右哨左右掖五軍三千

各設五司每營俱選勲臣二人提督之其諸營管哨掖

官曰坐營曰坐司

各哨掖官亦率以勲臣為之

又設把總把司把牌

等官

又有園子手幼官舍人彈忠效義諸營俱附五軍營中

景泰元年選三營精

銳立十團營以總兵統以總督監以內臣其舊設者

號為老營

三老營凡六提督內選其二領團營

成化三年分團營為十二

每營又各分五軍三千統騎兵神機統火器其各營統

領俱擇都督都指揮或列爵充之以總督統轄之正德

中又選團營精銳置東西兩官廳另設總兵叅將統領

嘉靖二十九年革團營官廳仍併三大營改三千曰神

樞設副叅遊佐坐營號頭中軍千把總管官

五軍營戰兵一營左

副將一戰兵二營練勇叅將一車兵三營叅將一車兵

四營遊擊將軍一城守五營佐擊將軍一戰兵六營右

副將一戰兵七營練勇叅將一車兵八營叅將一車兵

九營遊擊將軍一城守十營佐擊將軍一備兵坐營官

一大號頭官一已上部推監鎗號頭官一中軍官十一

隨征千總四隨營千總二十選鋒把總八把總一百三

十八已上俱營推神樞營戰兵一營左副將一戰兵二

營練勇叅將一車兵三營叅將一車兵四營遊擊將軍

一城守五營佐擊將軍一戰兵六營右副將一車兵七

營練勇叅將一執事八營叅將一城守九營佐擊將軍

一城守十營佐擊將軍一備兵坐營官一大號頭官一已上部推監鎗號頭官一中軍官十一千總二十選鋒把總六把總一百五十七已上俱營推神機營戰兵一營左副將一戰兵二營練勇參將一車兵三營遊擊將軍一車兵四營佐擊將軍一城守五營佐擊將軍一戰兵六營右副將一車兵七營練勇參將一城守八營佐擊將軍一城守九營佐擊將軍一城守十營佐擊將軍一備兵坐營官一大號頭官一已上部推監鎗號頭官一中軍官十一千總二十選鋒把總六把總一百二十八已上俱營推通計三大營共五百八十六員統

以提督總兵官一員已故提督曰總督鑄總督京營戎政印俾仇鸞佩之更設侍郎一人協理京營戎政定巡視科道官歲一代更悉革內侍官增設巡視主事尋亦

革隆慶初仍以總督為提督改協理為閱視尋併改閱  
視為提督四年二月更京營制三營各設提督又各設  
右都御史一員提督之九月罷六提督仍復總督戎政  
一人天啓初增設協理一人已仍革一人崇禎初復增  
一人

京衛指揮使司指揮使一人

正三品

指揮同知二人

從三品

指揮僉事四人

正四品

鎮撫司鎮撫二人

從五品

其屬經歷

司經歷

從七品

知事

正八品

吏目

從九品

倉大使副使各一人



所轄千戶所多寡各不等京衛有上直衛有南北京衛

品秩並同各有掌印有僉書其以恩廕寄祿無定員凡

上直衛親軍指揮使司二十有六曰錦衣衛曰旗手衛

曰金吾前衛曰金吾後衛曰羽林左衛曰羽林右衛曰

府軍衛曰府軍左衛曰府軍右衛曰府軍前衛曰府軍

後衛曰虎賁左衛

是為上十二  
衛洪武中置

曰金吾左衛曰金吾右

衛曰羽林前衛曰燕山左衛曰燕山右衛曰燕山前衛

曰大興左衛曰濟陽衛曰濟州衛曰通州衛

是為上十  
衛永樂中

置曰騰驤左衛曰騰驤右衛曰武驤左衛曰武驤右衛

宣德八年置

番上宿衛名親軍以護宮禁不隸五都督府其

京衛隸都督府者三十有三曰留守左衛曰鎮南衛曰  
驍騎右衛曰龍虎衛曰瀋陽左衛曰瀋陽右衛隸左軍  
都督府曰留守右衛曰虎賁右衛曰武德衛隸右軍都  
督府曰留守中衛曰神策衛曰應天衛曰和陽衛及牧  
馬千戶所蕃牧千戶所俱隸中軍都督府曰留守前衛  
曰龍驤衛曰豹韜衛隸前軍都督府曰留守後衛曰鷹

揚衛曰興武衛曰大寧中衛曰大寧前衛曰會州衛曰

富峪衛曰寬河衛曰神武左衛曰忠義右衛曰忠義前

衛曰忠義後衛曰義勇右衛曰義勇前衛曰義勇後衛

曰武成中衛曰蔚州左衛隸後軍都督府又京衛非親

軍而不隸都督府者十有五曰武功中衛曰武功左衛

曰武功右衛

已上三衛以  
匠故隸工部

曰永清左衛曰永清右衛曰

彭城衛曰長陵衛曰獻陵衛曰景陵衛曰裕陵衛曰茂

陵衛曰泰陵衛曰康陵衛曰永陵衛曰昭陵衛明初置

帳前總制親軍都指揮使司以馮國用為都指揮使後

改置金吾侍衛親軍都護府設都護

從二品

經歷

正六品

知

事

從七品

照磨

從八品

又置各衛親軍指揮使司設指揮使

正三品

同知指揮使

從三品

副使

正四品

經歷

正七品

知事

從八品

照磨

正九品

千戶所正千戶

正五品

副千戶

從五品

鎮撫百戶

正六品

因置武德龍驤豹韜飛熊威武廣武興武英武鷹

揚驍騎神武雄武鳳翔天策振武宣武羽林十七衛親

軍指揮使司此設親軍衛之始尋罷金吾侍衛親軍都

護府洪武永樂間增設親軍諸衛名為上二十二衛分掌宿衛而錦衣衛主巡察緝捕理詔獄以都督都指揮領之蓋特異於諸衛焉留守五衛舊為都鎮撫司總領

禁衛先屬中書省改隸大都督府設都鎮撫從四品副鎮

撫

從五品

知事

從八品

尋改宿衛鎮撫司設宿衛鎮撫宿衛

知事洪武三年改為留守衛指揮使司專領軍馬守禦各城門及巡警皇城與城垣造作之事後陞為留守都衛統轄天策豹韜飛熊鷹揚江陰廣洋橫海龍江水軍

左右十衛八年復為留守衛與天策等八衛俱為親軍

指揮使司

惟水軍左右二衛為指揮使司

並隸大都督府十一年改為

留守中衛增置留守左右前後四衛仍為親軍十三年始分隸五都督府

錦衣衛掌侍衛緝捕刑獄之事恒以勲戚都督領之恩

蔭寄祿無常員凡朝會巡幸則具鹵簿儀仗率大漢將

軍

共一千五百七員

等侍從扈行宿衛則分番入直朝日夕月

耕藉視牲則服飛魚服佩繡春刀侍左右盜賊奸宄街

塗溝洫密緝而時省之凡承制鞫獄錄囚勘事偕三法  
司五軍官舍比試併鎗同兵部蒞視統所凡十有七中  
左右前後五所領軍士五所分鑾輿擎蓋扇手旌節旂  
幢班劍斧鉞戈戟弓矢馴馬十司各領將軍校尉以備  
法駕上中上左上右上前上後中後六親軍所分領將  
軍力士軍匠馴象所領象奴養象以供朝會陳列駕輦  
馱寶之事明初置拱衛司秩正七品管領校尉屬都督  
府後改拱衛指揮使司秩正三品尋又改為都尉司洪

武三年改為親軍都尉府管左右中前後五衛軍士而設儀鑾司隸馬四年定儀鸞司為正五品設大使一人副使二人十五年罷儀鸞司改置錦衣衛秩從三品其屬有御椅等七員皆正六品設經歷司掌文移出入鎮撫司掌本衛刑名兼理軍匠十七年改錦衣衛指揮使為正三品二十年以治錦衣衛者多非法凌虐乃焚刑具出繫囚送刑部審錄詔內外獄咸歸三法司罷錦衣獄成祖時復置尋增北鎮撫司專治詔獄成化間刻印



昇之獄成得專達不關白錦衣錦衣官亦不得干預而  
以舊所設為南鎮撫司專理軍匠旗手衛本旗手千戶  
所洪武十八年改置掌大駕金鼓旗纛帥力士隨駕宿  
衛校尉力士僉民間壯丁為之校尉專職擎執鹵簿儀仗及駕前宣召官員差遣幹辦隸錦衣衛力士專領  
金鼓旗幟隨駕出入及  
守衛四門隸旗手衛 凡歲祭旗頭六纛之神八月於

壇十二月於承天門外皆衛官蒞事統所五

府軍前衛掌統領幼軍輪番帶刀侍衛明初有帶刀舍  
人洪武時府軍等衛皆有習技幼軍永樂十三年為皇

太孫特選幼軍置府軍前衛設官屬

指揮使五人指揮同知十人指揮僉

事二十人衛鎮撫十人經歷五人

統所二十有五

金吾羽林等十九衛掌守衛巡警統所凡一百有二

騰驤等四衛掌帥力士直駕隨駕統所三十有二

南京守備一人協同守備一人南京以守備及叅贊機務為要職守備以公侯伯充之兼領中軍都督府事協同守備以侯伯都督充之領五府事叅贊機務以南京兵部尚書領之其治所在中府掌南都一切留守防護

之事永樂十九年遷都北京命中府掌府事官守備南京節制南京諸衛所洪熙元年始以內臣同守備景泰三年增設協同守備一人

南京五軍都督府左右都督都督同知都督僉事不全設其掌印僉書皆以勲爵及三等都督為之分掌南京衛所以達於南京兵部凡管領大教場及江上操備等事各府奉敕分掌之城門之管鑰中府專掌之

初設城門卽洪

武十八年革以門禁鎖鑰銅牌命中軍都督府掌之其屬經歷都事各一人

南京衛指揮使司

設官詳  
京衛

凡四十有九分隸五都督府

者三十有二曰留守左衛曰鎮南衛曰水軍左衛曰驍  
騎右衛曰龍虎衛曰龍虎左衛曰英武衛曰龍江右衛  
曰瀋陽左衛曰瀋陽右衛隸左府曰留守右衛曰虎賁  
右衛曰水軍右衛曰武德衛曰廣武衛隸右府曰留守  
中衛曰神策衛曰廣洋衛曰廣天衛曰和陽衛及牧馬  
千戶所隸中府曰留守前衛曰龍江左衛曰龍驤衛曰  
飛熊衛曰天策衛曰豹韜衛曰豹韜左衛隸前府曰留

守後衛曰橫海衛曰鷹揚衛曰興武衛曰江陰衛隸後  
府又親軍衛指揮使司十有七曰金吾前衛曰金吾後  
衛曰金吾左衛曰金吾右衛曰羽林左衛曰羽林右衛  
曰羽林前衛曰府軍衛曰府軍左衛曰府軍右衛曰府  
軍後衛曰虎賁左衛曰錦衣衛曰旗手衛曰江淮衛曰  
濟州衛曰孝陵衛與左府所屬十衛右府所屬五衛前  
府所屬七衛後府所屬五衛並聽中府節制各衛領所  
一百一十有八

王府護衛指揮使司設官如京衛王府儀衛司儀衛正

一人

正五品

儀衛副二人

從五品

典仗六人

正六品

儀衛掌侍

衛儀仗護衛掌防禦非常護衛王邸有征調則聽命於

朝明初諸王府置護軍府洪武三年置儀衛司司設正

副各一人秩比正副千戶司仗六人秩比百戶四年改

司仗為典仗五年置親王護衛指揮使司每王府設三

護衛衛設左右前後中五所所千戶二人百戶十人又

設園子手二所每所千戶一人九年罷護軍府建文中

改儀衛司為儀仗司增置吏目一人成祖初復舊制

總兵官副總兵叅將遊擊將軍守備把總無品級無定員總鎮一方者為鎮守獨鎮一路者為分守各守一城一堡者為守備與主將同守一城者為協守又有提督提調巡視備禦領班備倭等名凡總兵副總兵率以公侯伯都督充之其總兵掛印稱將軍者雲南曰征南將軍大同曰征西前將軍湖廣曰平蠻將軍兩廣曰征蠻將軍遼東曰征遼前將軍宣府曰鎮朔將軍甘肅曰平

羌將軍寧夏曰征西將軍交趾曰副將軍延綏曰鎮西

將軍

諸印洪熙元年制頒

其在薊州貴州湖廣四川及僭運淮安

者不得稱將軍掛印宣德間又設山西陝西二總兵嘉靖間分設廣東廣西貴州湖廣二總兵為四改設福建保定副總兵為總兵又添設浙江總兵萬厯間又增設於臨洮山海天啟間增設登萊至崇禎時益紛不可紀而位權亦非復當日蓋明初雖叅將遊擊把總亦多有充以勲戚都督等官至後則杳然矣



鎮守薊州總兵官一人舊設隆慶二年改為總理練兵

事務兼鎮守駐三屯營協守副總兵三人

東路副總兵隆慶三年添

設駐建昌營管理燕河營臺頭營石門寨山海關四路中路副總兵萬厯四年改設駐三屯營帶管馬蘭峪松棚峪喜峯口太平寨四路西路副總兵隆慶三年添設駐石匣營管理牆子嶺曹家寨古北口石塘嶺四路

分守叅將十一人

曰通州叅將曰山海關叅將曰石門寨叅將曰燕河營叅將曰臺頭營叅

將曰太平寨叅將曰馬蘭峪叅將曰牆子嶺叅將曰古北口叅將曰石塘嶺叅將曰喜峯口叅將

遊擊

將軍六人統領南兵遊擊將軍三人領班遊擊將軍七

人坐營官八人守備八人把總一人提調官二十六人

鎮守昌平總兵官一人舊設副總兵又有提督武臣嘉

靖三十八年裁副總兵以提督改為鎮守總兵駐昌平

城聽總督節制分守叅將三人

曰居庸關叅將曰黃花鎮叅將曰橫嶺口叅將

遊擊將軍二人坐營官三人守備十人提調官一人

鎮守遼東總兵官一人舊設駐廣寧隆慶元年令冬月

移駐河東遼陽適中之地調度防禦應援海州瀋陽協

守副總兵一人

遼陽副總兵舊為分守嘉靖四十五年改協守駐遼陽城節制開原及海州險

山瀋陽等處

分守叅將五人

曰開原叅將曰錦義右叅將曰海蓋右叅將曰寧遠叅將曰寬

奠堡參將遊擊將軍八人守備五人坐營中軍官一人備禦

十九人

鎮守保定總兵官一人弘治十八年初設保定副總兵  
後改為參將正德九年復為分守副總兵嘉靖二十年  
改為鎮守三十年改設鎮守總兵官萬歷元年令春秋  
兩防移駐浮圖峪遇有警移駐紫荆關以備入援分守  
參將四人

曰紫荆關參將曰龍固二關參將  
曰馬水口參將曰倒馬關參將

遊擊將軍

六人坐營中軍官一人守備七人把總七人忠順官二

人

鎮守宣化總兵官一人舊設駐宣府鎮城協守副總兵

一人

副總兵舊亦駐鎮城嘉靖二十八年移駐永寧城

分守叅將七人

曰北路獨石馬

營叅將曰東路懷來永寧叅將曰上路西路萬全右衛叅將曰南路順聖蔚廣叅將曰中路葛峪堡叅將曰下西

路崇溝堡叅將曰南山叅將

遊擊將軍三人坐營中軍官二人守備

三十一人領班備禦二人

萬曆八年革

鎮守大同總兵官一人舊設駐大同鎮城協守副總兵

一人

舊為左副總兵萬曆五年去左字駐左衛城

分守叅將九人

曰東路叅將曰北東

路參將曰中路參將曰西路參將曰北西路參將曰井  
坪城參將曰新坪堡參將曰總督標左掖參將曰威遠  
城參將萬遊擊將軍二人入衛遊擊四人坐營中軍官  
歷八年革

二人守備三十九人

鎮守山西總兵官一人舊為副總兵嘉靖二十年改設

駐寧武關防秋移駐陽方口防冬移駐偏關協守副總

兵一人

嘉靖四十四年添設初  
駐偏關後移駐老營堡

分守參將六人

曰東路  
代州左

參將曰西路偏頭關右參將曰太原左參將曰中  
路利民堡右參將曰河曲縣參將曰北樓口參將遊擊

將軍一人坐營中軍官一人守備十三人操守二人

鎮守延綏總兵官一人舊設駐鎮城協守副總兵一人

定邊右副總兵嘉靖四十一年添設分守安定鎮靜等處提調大牆及牆口等處分守叅將六

人曰孤山叅將曰東路右叅將曰西路左叅將曰中路叅將曰清平叅將曰榆林保寧叅將遊擊將

軍二人入衛遊擊四人守備十一人坐營中軍官一人

鎮守寧夏總兵官一人舊設駐鎮城協守副總兵一人

亦舊設同分守叅將四人曰東路右叅將曰西路左叅將曰靈州左叅將曰北路平

省城遊擊將軍三人入衛遊擊一人萬曆八年守備三人

備禦領班二人萬曆九年坐營中軍官二人營理鎮城都

司一人領班都司二人

萬歷九年革

管理水利屯田都司一

人

鎮守甘肅總兵官一人舊設駐鎮城協守副總兵一人

甘肅左副總兵舊設嘉靖四十四年

分守副總兵一人

移駐高臺防禦隆慶四年回駐鎮城

分守副總兵一人

涼州右副

分守叅將四人

曰莊浪左叅將曰肅州右叅將曰西寧叅將曰鎮番叅將

總兵舊設

遊擊將軍四人坐營中軍官一人守備十一人領班備

禦都司四人

鎮守陝西總兵官一人舊駐會城後移駐固原分守副

總兵一人

洮岷副總兵萬曆六年改設駐洮州

分守叅將五人

曰河州叅將曰蘭州

叅將曰靖邊叅將曰陝西

叅將曰階文西固叅將遊擊將軍四人坐營中軍官

二人守備八人

鎮守四川總兵官一人隆慶五年添設駐建武所分守

副總兵一人

松潘副總兵舊設

協守叅將二人

曰松潘東路左叅將曰松潘南

路右叅將遊擊將軍二人守備六人

鎮守雲南總兵官一人舊設駐雲南府分守叅將三人

曰臨元叅將曰永昌

叅將曰順蒙叅將守備二人巡撫中軍坐營官一人



鎮守貴州總兵官一人舊設嘉靖三十二年加提督麻

陽等處地方職銜駐銅仁府分守叅將二人

曰提督清浪右叅將

曰提督川貴迤西左叅將

守備七人巡撫中軍官一人

鎮守廣西總兵官一人舊為副總兵嘉靖四十五年改

設駐桂林府分守叅將五人

曰潯梧左叅將曰柳慶右叅將曰永寧叅將曰思恩

叅將曰昭

守備三人坐營官一人

平叅將

鎮守湖廣總兵官一人舊設嘉靖十年罷十二年復設

萬歷八年又罷十二年仍復設駐省城分守叅將三人

曰黎平參將曰鎮寧  
參將曰鄖陽參將  
守備十一人把總一人

鎮守廣東總兵官一人舊為征蠻將軍兩廣總兵官嘉

靖四十五年分設駐潮州府協守副總兵一人

潮漳副總兵萬

歷三年添設駐南澳分守參將七人

曰潮州參將曰瓊崖參將曰雷原參將曰東山參將曰西

山參將曰督理廣州海防參將曰惠州參將

練兵遊擊將軍一人守備五人

坐營中軍官二人把總四人

提督狼山副總兵一人嘉靖三十七年添設駐通州鎮

守江南副總兵一人舊係總兵官駐福山港後移駐鎮

江儀真二處嘉靖八年裁革十九年復設二十九年仍  
革三十二年改設副總兵駐金山衛四十三年移駐吳  
淞分守叅將二人

曰徐州叅將  
曰金山叅將

遊擊將軍一人守備六

人鳳陽軍門中軍官一人把總十三人

鎮守浙江總兵官一人嘉靖三十四年設總理浙直海  
防三十五年改鎮守浙江四十二年改鎮守浙江舊駐  
定海縣後移駐省城分守叅將四人

曰杭嘉湖叅將曰  
寧紹叅將曰溫處

叅將曰台  
金嚴叅將  
遊擊將軍二人總捕都司一人把總七人

分守江西叅將一人

曰南贛叅將嘉靖四十年改設駐會昌縣

守備四人

把總六人

鎮守福建總兵官一人舊為副總兵嘉靖四十二年改

設駐福寧州分守叅將一人

曰南路叅將

守備三人把總七

人坐營官一人

鎮守山東總兵官一人天啟中增設總督備倭都司一

人領薊鎮班都司四人又河南守備三人領薊鎮班都

司四人

總督漕運總兵官一人永樂二年設總兵副總兵統領

官軍海運後海運罷專督漕運天順元年又令兼理河

道協同督運叅將一人

天順元年設

把總十二人

南京二江南直隸二

江北直隸二中都一浙江二山東一湖廣一江西一

留守司正留守一人

正二品

副留守一人

正三品

指揮同知

二人

從三品

其屬經歷司經歷

正六品

都事

正七品

斷事司斷

事

正六品

副斷事

正七品

吏目各一人掌中都興都守禦防

護之事洪武二年詔以臨濠為中都置留守衛指揮使

司隸鳳陽行都督府十四年始置中都留守司統鳳陽

等八衛

鳳陽衛鳳陽中衛鳳陽右衛皇陵衛留守左衛留守中衛長惟衛懷遠衛

防護皇陵

設留守一人左右副留守各一人

屬官經歷以下如前所列

嘉靖十

八年改荊州左衛為顯陵衛置興都留守司統顯陵承

天二衛防護顯陵設官如中都馬

都指揮使司都指揮使一人

正二品

都指揮同知二人

從二

品都指揮僉事四人

正三品

其屬經歷司經歷

正六品

都事

品正七斷事司斷事

正六品

副斷事

正七品

吏目各一人司獄

司司獄

從九品

倉庫草場大使副使各一人行都指揮使

司設官與都指揮使司同都司掌一方之軍政各率其衛所以隸於五府而聽於兵部凡都司並流官或得世官歲撫按察其賢否五歲考選軍政而廢置之都指揮使及同知僉事常以一人統司事曰掌印一人練兵一人屯田曰僉書巡補軍器漕運京操備禦諸雜務並選充之否則曰帶俸凡備倭守備行都指揮事者不得建牙陞公座凡朝廷吉凶表箋序銜布按二司上經歷都

事典文移斷事理刑獄明初置各行省行都督府設官如都督府又置各衛指揮使司洪武四年年置各都衛

斷事司以理軍官軍人詞訟又以都衛節制方面職係

甚重從朝廷選擇陞調不許世襲七年置西安行都衛

指揮使司於河州八年十月詔各都衛並改為都指揮

使司凡改設都司十有三

燕山都衛為北平都司西安都衛為陝西都司太原都衛

為山西都司杭州都衛為浙江都司江西都衛為江西都司青州都衛為山東都司成都都衛為四川都司福州都衛為福建都司武昌都衛為湖廣都司廣東都衛為廣東都司廣西都司定遼都衛為遼東



都司河南都衛

行都司三

西安行都衛為陝西行都司  
大同都衛為山西行都司建

寧都衛為福

十五年增置貴州雲南二都司後以北平

都司為北平行都司永樂元年改為大寧都司宣德中

增置萬全都司計天下都司凡十有六

十三省都司外  
有遼東大寧萬

全三都司又於建昌置四川行都司於鄖陽置湖廣行都司

計天下行都司凡五明初又於各行省置都鎮撫司設

都鎮府

從四品

副鎮撫

從五品

知事

從八品

吳元年改都鎮撫

正五品副鎮撫正六品知事為提控案牘省注洪武六

年罷

衛指揮使司設官如京衛

品秩並同

外衛各統於都司行都

司或留守司率世官或有流官凡襲替陞授優給優養及屬所軍政掌印僉書報都指揮使司達所隸都督府移兵部每歲撫按察其賢否五歲一考選軍政廢置之凡管理衛事惟屬掌印僉書不論指揮使同知僉事考選其才者充之分理屯田驗軍營操巡捕漕運備禦出哨入衛戍守軍器諸雜務曰見任管事不任事入隊曰

帶俸差操征行則率其屬聽所命主帥調度

所千戶所正千戶一人

正五品

副千戶二人

從五品

鎮撫二

人

從六品

其屬吏目一人所轄百戶所凡十共百戶十人

正六品陞授改調增置無定員

總旗二十人小旗百人其守禦千戶所

軍民千戶所設官並同凡千戶一人掌印一人僉書曰

管軍千戶百戶有試有實授其掌印恒以一人兼數印

凡軍政衛下於所千戶督百戶百戶下總旗小旗率其

卒伍以聽令鎮撫無獄事則管軍百戶缺則代之其守

禦千戶所不隸衛而自達於都司凡衛所皆隸都司而

都司又分隸五軍都督府

浙江都司山東都司遼東都司隸左軍都督府陝西都司

陝西行都司四川都司四川行都司廣西都司雲南都司

貴州都司隸右軍都督府中都留守司河南都司隸

中軍都督府興都留守司湖廣都司湖廣行都司福建

都司福建行都司江西都司廣東都司隸前軍都督府

大寧都司萬全都司山西都司明初置千戶所設正千

山西行都司隸後軍都督府

戶正五品副千戶從五品鎮撫百戶正六品又立各萬戶府設

正萬戶正四品副萬戶從四品知事從八品照磨正九品尋以名

不稱實遂罷萬戶府而設指揮使及千戶等官覈諸將

所部有兵五千者為指揮使千人者為千戶百人者為百戶五十人為總旗十人為小旗洪武二年置刻期百戶所選能疾行者二百人以百戶領之七年申定衛所之制先是內外衛所凡一衛統十千戶一千戶統十百戶百戶領總旗二總旗領小旗五小旗領軍士至是更定其制每衛設前後中左右五千戶所大率以五千六百人為一衛一千一百二十人為一千戶所一百一十二人為一百戶所每百戶所設總旗二小旗十人二

十年始命各衛立掌印僉書專職理事以指揮使掌印同知僉事各領一所士卒有武藝不嫻器械不利者皆責所領之官二十三年又設軍民指揮使司軍民千戶所計天下內外衛凡五百四十有七所凡二千五百九十有三自衛指揮以下其官多世襲其軍士亦父子相繼為一代定制

土官宣慰使司宣慰使一人

從三品

同知一人

正四品

副使

一人

從四品

僉事一人

正五品

經歷司經歷一人

從七品

都事

一人 正八品

宣撫司宣撫使一人 從四品 同知一人 正五品 副使一人 從五品

品 僉事一人 正六品 經歷司經歷一人 從八品 知事一人 正九品

品 照磨一人 從九品

安撫司安撫使一人 從五品 同知一人 正六品 副使一人 從六品

品 僉事一人 正七品 其屬吏目一人 從九品

招討司招討使一人 從五品 副招討一人 正六品 其屬吏目

一人 從九品

長官司長官一人

正六品

副長官一人

從七品

其屬吏目一

人

未入流

蠻夷長官司長官副長官各一人

品同上

又有蠻

夷官苗民官及千夫長副千夫長等官

軍民府土州土縣設官如府州縣洪武七年西南諸蠻

夷朝貢多因元官授之稍與約束定征徭差發之法漸

為宣慰司者十一為招討司者一為宣撫司者十為安

撫司者十九為長官司者百七十有三其府州縣正貳

屬官或土或流

大率宣慰等司經歷皆流官府州縣佐貳多流官

皆因其俗使



之附緝諸蠻謹守疆土修職貢供征調無相攜貳有相  
讐者疏上聽命於天子又有番夷都指揮使司三衛指  
揮使司三百八十五宣慰司三招討司六萬戶府四千  
戶所四十一站七地面七寨一  
詳見兵志  
衛所中並以附寨番  
夷官其地

明史卷七十六



總校官編修臣吳紹深